

濕熱條辨

痧脹源流

濕熱條辨

南園薛 雪生白著

第一條

濕熱症始惡寒後但熱不寒汗出胸痞舌白口渴不引飲

此條乃濕熱症之提綱也濕熱病屬陽明太陰經者居多中氣實則病在陽明中氣虛則病入太陰病在二經之裏者每兼厥陰風木以少陽

厥陰同司相火陽明太陰濕熱內鬱鬱甚則少
火皆成壯火而表裏上下充斥肆逆故是症最
易耳聾乾嘔發瘧發厥而提綱中不言及者因
以上諸症皆濕熱病兼見之變局而非濕熱病
必見之正局也始惡寒者陽爲濕遏而惡寒終
非若寒傷於表之惡寒後但熱不寒則鬱而成
熱反惡熱矣熱甚陽明則汗出濕蔽清陽則胸
痞濕邪內甚則舌白濕熱交蒸則舌黃熱則液

不开而口渴濕則飲內留而不引飲然所云表者乃太陰陽明之表而非太陽之表太陰之表四肢也陽明也陽明之表肌肉也胸中也故胸痞爲濕熱必有之症四肢倦怠肌肉煩疼亦必竝見其所以不干太陽者以太陽爲寒水之府主一身之表風寒必自表入故屬太陽濕熱不必盡從表入故不必由太陽況風寒傷榮衛榮衛乃太陽所司表濕傷肌肉肌肉爲陽明所主

寒濕之屬太陽者以太陽爲寒水同氣相求也
濕熱之屬陽明者以陽明爲中土火化從陽也
濕熱之邪從表傷者十之一二由口鼻入者十
之八九陽明爲水穀之海太陰爲濕土之臟故
多由陽明太陰受病膜原者外通肌肉內近胃
府卽三焦之門戶實一身之半表半裏也邪由
上受直趨中道故病多歸膜原要之濕熱之病
不獨與傷寒不同且與溫病大異溫病乃少陰

太陽同病濕熱乃陽明太陰同病也而提綱中
言不及脈者以濕熱之症脈無定體或洪或緩
或伏或細各隨症見不拘一格故難以一定之
脈拘定後人眼目也

濕熱之症陽明必兼太陰者徒知藏府相連濕
土同氣而不知當與溫病之必兼少陰比例少
陰不藏木火內燔風邪外襲表裏相煽故爲溫
病太陰內傷濕飲停聚客邪再至內外相引故

病濕熱此皆先有內傷再感客邪非由府及藏
之謂若濕熱之症不挾內傷中氣實者其病必
微或有先因於濕再因飢飽勞役而病者亦屬
內傷挾濕標本同病然勞倦傷脾爲不足濕飲
停聚爲有餘所以內傷外感孰多孰少孰實孰
虛又在臨症時權衡矣

第二條

濕熱症惡寒無汗身重頭痛濕在表分宜藿香香茹

羌活蒼朮皮薄荷大力子等味頭不痛者去羌活
身重惡寒濕退衛陽之表症頭痛必挾風邪故
加羌活不獨勝濕且以祛風 此條乃陰濕傷
表之候

第三條

濕熱症惡寒發熱身重關節疼痛濕在肌肉不爲汗
解宜滑石大豆黃卷茯苓皮蒼朮皮薑香葉鮮荷葉
白通草桔梗等味不惡寒者去蒼朮皮

此條外候與上條頗同惟汗出獨異更加關節疼痛乃濕邪初犯陽明之表故略見惡寒及至發熱惡寒當自罷矣用藥通陽明之表而卽清胃腕之熱者不欲濕邪之鬱熱上蒸而欲濕邪之淡滲下走耳 此乃陽濕傷表之候

第四條

濕熱症三四口卽口噤四肢牽引拘急甚則角弓反張此濕熱侵入經絡脈隧中宜鮮地龍秦芎威靈仙

滑石蒼耳子絲瓜藤海風藤酒炒川連等味

此條乃濕邪挾風邪者風爲木之氣風動則木張乘入陽明之絡則口噤走竄太陰之經則拘攣故藥不獨勝濕重用息風一則風藥能勝濕一則風藥能疎肝也選用地龍諸藤者欲其宣通脈絡耳

或問仲景治瘧原有桂枝湯加栝蒌根及葛根湯二方豈宜於古而不宜於今耶今之瘧者與

厥相連仲景不言及厥豈金匱有遺文耶余曰
非也藥因病用病源既異治法自殊傷寒之瘧
自外來症屬太陽治以散外邪爲主濕熱之瘧
自內出波及太陽治以息內風爲主蓋三焦與
肝膽同司相火中焦濕熱不解則熱甚於裏而
少火悉成壯火火動則風生而筋攣脈急風煽
則火熾而識亂神逆身中之氣隨風火上炎而
有升無降常度盡失由是而形若尸厥正內經

所謂血之與氣并走于上則爲暴厥者是也外
竄經脈則成瘧內并膻中則爲厥瘧厥並見正
氣猶存一綫則氣復返而生胃津不克支持則
厥不回而死矣所以瘧之與厥往往相連傷寒
之瘧自外來者安有是哉

暑月瘧症與霍亂同出一源風自火生火隨風
轉乘入陽明則嘔賊及太陰則瀉是名霍亂竄
入筋中則攣急流入脈絡則反張是名瘧但瘧

症多厥霍亂少厥蓋瘧症風火閉鬱鬱則邪勢愈甚不免逼亂神明故多厥霍亂風火外泄泄則邪勢外解不致循經內走故少厥此瘧與霍亂之分別也然瘧症邪滯三焦三焦乃火化風得火而愈煽則逼入膻中而暴厥霍亂邪走脾胃脾胃乃濕化邪由濕而停留則淫及諸筋而拘攣火鬱則厥火竄則攣又瘧與厥之遺禍也瘧之攣急乃濕熱生風霍亂之轉筋乃風來勝

濕痿則由經及臟而厥霍亂則由臟及經而變
總由濕熱與風淆亂清濁升降失常之故夫濕
多熱少則風入土中而霍亂熱多濕少則風乘
三焦而痿厥厥而不反者死胃液乾枯火邪盤
踞也轉筋入腹者死胃液內涸風邪獨勁也然
則胃中之津液所關顧不鉅哉厥症用辛開泄
胸中無形之邪也乾霍亂用探吐泄胃中有形
之滯也然泄邪而胃液不上升者熱邪益熾探

吐而胃液不四布者風邪更張終成死候不可不知

第五條

濕熱症壯熱口渴舌黃或焦紅發瘧神昏譫語或笑邪灼心胞榮血已耗宜犀角羚羊角連喬生地元參鈎藤銀花露鮮苜蓿至寶丹等味

上條言瘧此條言廣溫邪暑邪本傷陽氣及又熱極逼入榮陰則津液耗而陰亦病心胞受灼

神識昏亂用藥以清熱救陰泄邪平肝爲務

第六條

濕熱症發瘧神昏笑妄脈洪數有力開泄不效者濕熱蘊結胸膈宜做涼膈散若大便數日不通者熱邪閉結腸胃宜做承氣微下之例

此條乃陽明實熱或上結或下結清熱泄邪止能散絡中流走之熱而不能除膈中蘊結之邪故陽明之邪仍假陽明爲出路也

第七條

濕熱症壯熱煩渴舌焦紅或縮癰疹胸痞自利神昏
瘧厥熱邪充斥表裏三焦宜大劑犀角羚羊角生地
元參銀花露紫草方諸水金汁鮮苳蒲等味

此條乃瘧厥中之最重者上爲胸悶下挾熱利
癰疹瘧厥陰陽告困獨清陽明之熱救陽明之
液爲急務者恐胃液不存其人必自焚而壞也

第八條

濕熱症寒熱如瘧濕熱阻遏膜原宜柴胡厚朴檳榔
草果霍香六一散蒼朮半夏乾薑藿等味

瘧由暑熱內伏秋涼外束而成若夏月腠理大
開毛竅疎通安得成瘧而寒熱有定期如瘧三
發作者以膜原爲陽明之半表半裏濕熱阻遏
則榮衛氣爭症雖如瘧不得與瘧同治故做吳
又可達原飲之例蓋一由外涼束一由內濕阻
也

第九條

濕熱症數日後腕中微悶知飢不食濕邪蒙繞三焦
宜霍香葉薄荷葉鮮稻葉鮮荷葉枇杷葉佩蘭葉蘆
尖冬瓜仁等味

此濕熱已解餘邪蒙閉清陽胃氣不舒宜用極
輕清之品以宣上焦陽氣若投味重之劑是與
病情不相涉矣

濕熱初起亦有腕中微悶汗出口渴眼欲閉時

詰語濁邪蒙閉清陽在上焦者宜用枳殼桔梗
淡豆豉生山梔涌泄法若投輕劑又與病情不
相合矣此說須與第九第十兩條參看同一邪
在上焦而第九條屬虛此說屬實且同一實症
而第十條邪在中焦此說邪在上焦臨症者當
慎之

第十條

濕熱症初起發熱汗出胸痞口渴舌白濕伏中焦宜

霍梗薏仁杏仁枳殼桔梗鬱金蒼朮厚朴草果半夏
乾薑蒲六一散佩蘭葉等味

濁邪上千則胸悶胃液不升則口渴病在中焦
氣分故多開中焦氣分之藥此條多有挾食者
宜加瓜瓞查肉萊菔子舌根現黃色卽是挾食
症

第十一條

濕熱症數日後自利溺赤口渴濕流下焦宜滑石豬

苓茯苓澤瀉草薢通草等味

下焦屬陰太陰所司陰道虛故自利化源滯則
溺赤脾不轉津則口渴總由太陰濕勝故也濕
滯下焦故獨以分利爲治 此條藥味獨用分
利然症兼口渴胸痞須佐入桔梗杏仁大豆卷
開泄中上源清則流自潔矣不可不知 以上
三條俱濕重熱輕之候

濕熱之邪不自表而入故無表裏可分而未嘗

無三焦可辨猶之河間治消渴以三焦分者是也夫熱爲天之氣濕爲地之氣熱得濕而熱愈熾濕得熱而濕愈橫濕熱兩分其病輕而緩濕熱交合其病重而速濕多熱少則蒙上流下當三焦分治若濕熱俱多則下閉上壅而三焦俱病矣猶之傷寒門二陽合病三陽合病是也蓋太陰濕化三焦火化有濕無熱止能蒙閉清陽或阻於上或阻於中或阻於下濕熱一合則身

中少火悉化爲壯火而三焦相火有不皆起而爲虐者哉所以上下充斥內外煎熬最爲酷烈兼之木火同氣表裏分司再引肝風痙厥立至胃中津液幾何其能供此交征乎至其所以必屬陽明者以陽明爲水穀之海鼻食氣口食味悉歸陽明邪從口鼻而入則陽明爲必由之道路其始也邪入陽明早已先傷其胃液其繼也邪盛三焦更欲取資於胃液司命者可不爲陽

明顧慮哉

或問水火同氣熱甚生風以致痙厥理固然矣
然有濕熱之症表裏極熱不痙不厥者何也余
曰風木爲火熱引動者原因木氣素旺肝陰先
虧內外相引兩陽相煽因而動張若肝腎素優
竝無裏熱者火熱安能招引肝風也耶試觀小
兒一經壯熱便成痙瘓者以純陽之體陰氣未
足故肝風易動也

第十二條

濕熱症舌徧體白口渴濕滯陽明宜用辛開如厚朴
草果半夏乾薑蒲等味

此濕邪極盛之候口渴乃液不上升非有熱也
辛泄太過即可變而爲熱而此時濕邪尚未蘊
熱故重用辛開使上焦得通津液得下也

第十三條

濕熱症舌根白舌尖紅濕漸化熱餘濕猶滯宜辛泄

佐清熱如薏仁半夏芩蒿蒲大豆卷六一散連翹葉
豆殼等味

此濕熱參半之症而燥濕之中卽佐清熱者亦
所以存陽明之液也○上二條憑驗舌以投劑
極爲臨症時要訣蓋舌爲心之外候濁邪上薰
心肺舌胎因而轉移

第十四條

濕熱症初起卽胸悶不知人瞽亂大叫痛濕熱阻閉

中上二焦宜草果檳榔鮮薑蒲六一散芫荑各重用
或加皂角地漿水煎

此條乃濕熱俱重之候而去濕藥多清熱藥少
者以病邪初起卽閉不得以辛通散邪爲急
務不欲以寒涼凝滯病機也

第十五條

濕熱症四五日口大渴胸悶欲絕乾嘔不止脈細數
舌光如鏡胃液受劫膽火上沖宜西瓜汁金汁鮮生

地汁甘蔗汁磨服鬱金木香香附烏藥等味

此榮陰素虧木火素旺者今木乘陽明而耗其
津液幸無飲邪故一清陽明之熱一散少陽之
邪不用煎者取其氣之全耳

第十六條

濕熱症嘔吐清水或痰多濕熱內留木火上逆宜溫
膽湯加瓜婁碧玉散等味

此素有痰飲而陽明少陽同病故一以滌飲一

以降逆與生條嘔同而治異正當合參

第十七條

濕熱症嘔惡不止晝夜不差欲死者肺胃不和胃熱移肺肺不受邪也宜用川連三四分蘇葉二三分兩味煎湯呷下卽止

肺胃不和最易致嘔蓋胃熱移肺肺不受邪還歸於胃必用川連以清濕熱蘇葉以通肺胃投之立愈者以肺胃之氣非蘇葉不能通也分數

輕者以輕劑恰治上焦之病耳

第十八條

濕熱症咳嗽晝夜不寧甚至喘不得眠者暑邪入於肺絡宜葶藶六一散枇杷葉等味

人但知暑傷肺氣則氣虛而不知暑滯肺絡則肺實葶藶引滑石直瀉肺邪則病自除

第十九條

濕熱症十餘日大勢已退惟口渴汗出骨節痛餘邪

留滯經絡宜元米湯泡於木隔一宿去木煎飲

病後濕邪未盡陰液先傷故口渴身痛此時救
腋則助濕治濕則劫陰宗仲景麻沸湯之法取
氣不取味走陽不走陰佐以元米湯養陰逐濕
兩擅其長也

第二十條

濕熱症數日後汗出熱不除或瘧忽頭痛不止者漿
液大虧厥陰風火上升宜羚羊角蔓荊子勾藤元參

生地女貞子等味

濕熱傷榮肝風上逆血不榮筋而瘓上升巔頂
則頭痛熱氣已退木氣獨張故瘓而不脈投劑
以息風爲標養陰爲本

第二十一條

濕熱症胸痞發熱肌肉微疼始終無汗者腠理暑邪
內閉宜六一散一兩薄荷三四分泡湯調下卽汗解
濕病發汗昔賢有禁此不微汗之病必不除蓋

既有不可汗之大戒復有得汗始解之治法臨症者當知變通矣

第二十二條

濕熱症按法治之數日後忽吐下一時竝至者中氣虧損升降悖逆宜生穀芽蓮心扁豆米仁半夏甘草茯苓等味甚者用理中法

升降悖逆法當和中猶之霍亂之用六和湯也若太陰億甚中氣不支非理中不可

第二十三條

濕熱症十餘日後左關弦數腹時痛時圜血肛門熱痛血液內燥熱邪傳入厥陰之陰宜倣白頭翁法

熱入厥陰而下利卽不圜血亦當宗仲景治熱利法若竟逼入滯陰安得不用白頭翁湯涼血而散邪乎設熱入陽明而下利卽不圜血又宜師仲景治下利詰語用小承氣之法矣

第二十四條

濕熱症十餘日後尺脈數下利或咽痛口渴心煩下
泉不足熱邪直犯少陰之陰宜做猪膚涼潤法

同一下病有厥少之分則藥有寒涼之異然少
陰有便膿之候不可不細審也

第二十五條

濕熱症身冷脈細汗泄胸痞口渴舌白濕中少陰之
陽宜人參白朮附子茯苓益智等味

此條濕邪傷陽理合扶陽逐濕口渴爲少陰症

烏得妄用寒涼耶

第二十六條

暑月病初起但惡寒面黃口不渴神倦四肢嬾脈沉
弱腹痛下利濕困太陰之陽宜倣縮脾飲甚則大順
散來復丹等法

暑月爲陽氣外泄陰氣內耗之時故熱邪傷陰
陽明消燥宜清宜滋太陰告困濕濁迷漫宜溫
宜散古法最詳醫者鑒諸

第二十七條

濕熱症按法治之諸症皆退惟目瞑則驚悸夢惕餘邪內留膽氣不舒宜酒浸郁李仁薑汁炒棗仁猪膽皮等味

滑可去着郁李仁性最滑脫古人治驚後肝系滯而不下始終目不瞑者用之以下肝系而去滯此症借用良由濕熱之邪留於膽中膽爲清淨之府藏而不瀉是以病去而內留之邪不去寐則陽氣

行陰膽熱內擾肝魂不寧用郁李仁以泄邪必用
酒浸者酒入于胃先走于膽也棗仁之酸入肝安
神而製以薑汁者安神而又兼散邪也

第二十八條

濕熱症曾開泄下奪惡候皆平獨神思不清倦語不
思食溺數唇齒乾胃氣不輸肺氣不布元神大虧宜
人參麥冬肉生谷芽川石斛木瓜生甘草鮮蓮子等
味

開泄下奪惡候質平正亦大傷故見症多氣虛之
象理合清補元氣若用膩滯陰藥去生便違

第二十九條

濕熱症四五日忽大汗出手足冷脈細如絲或絕口
渴莖痛而起坐自如神清語亮乃汗出過多衛外之
陽暫亡濕熱之邪仍結一時表裏不通脈故伏非真
陽外脫也宜五苓散去朮加滑石酒炒川連生地苳
皮等味

此條脈症全似亾陽之候獨於舉動神氣得其真
情噫此醫之所以貴識見也

第三十條

濕熱症發痙神昏獨足冷陰縮下體外受客寒仍宜
從濕熱治只用辛溫之品煎湯薰洗

陰縮爲厥陰之外候合之足冷全似虛寒矣乃
諦觀本症無一屬虛始知寒客下體一時營氣
不達不但症非虛寒并非上熱下寒之可疑也

仍從濕熱治之又何疑耶

第三十一條

濕熱症初起壯熱口渴脘悶懊懣眼欲閉時詰語濁邪蒙閉上焦宜涌泄用枳殼桔梗淡豆豉生山梔無汗者加乾葛

若病退後脘中微悶知飢不食是餘邪蒙繞上焦法當輕散此則濁邪蒙閉上焦故懊懣脘悶眼欲閉者肺氣不舒也時詰語者邪逼心胞也

若投輕劑病必不除經云高者越之用梔豉湯
涌泄之劑引胃腕之陽而開心胸之表邪從吐
散

第三十三條

濕熱症經水適來壯熱口渴語神昏胸腹痛或舌
無胎脈滑數邪陷榮分宜大劑犀角紫草茜根貫仲
連翹銀花露鮮菖蒲等味

熱入血室不獨婦女男子亦有之不第涼血并

須解毒然必重劑乃可奏功

第三十三條

熱症上下失血或汗血毒邪深入榮分走竄欲泄宜
大劑犀角生地丹皮赤芍連翹紫草茜根銀花等味
汗血卽張氏所謂肌衄也內經謂熱淫
於內治以鹹寒方中當增入鹹寒之味

熱逼而上下失血汗血勢極危而猶不卽壞者
以毒從血出生機在是大進涼血解毒之劑以
救陰而泄邪邪解而血自止矣血止後須進參

清毒便勢 三
芪善後乃得

第三十四條

濕熱症七八日口不渴聲不出與飲食亦不卻默默
不語神識昏迷進辛香涼泄芳香逐穢俱不效此邪
入厥陰主客渾受宜倣吳又可三甲散醉地鱉蟲醋
炒鱉甲土炒川山甲生天蟲柴胡桃仁泥等味

暑濕雖傷陽氣然病久不解必及於陰陰陽兩
困氣鈍血滯而暑濕不得外泄遂深入厥陰絡

脈凝滯使一陽不能萌動生氣有降無升心主
阻遏靈氣不通所以神不清而昏迷默默也破
滯通瘀斯絡脈通而邪得解矣

第三十五條

濕熱症口渴胎黃起刺脈弦緩囊縮舌硬詰語昏不
知人兩手搐搦津枯邪滯宜鮮生地蘆根生首烏鮮
稻根等味若脈有力大便不通者大黃亦可加入

胃津劫奪熱邪內據非潤下以泄邪則不能故

海熱性抄 三
做承氣之例以甘涼易苦寒正恐胃氣受傷胃
津不復也

濕熱條辨終

痧脹源流

沈金鰲撰

痧脹風濕火三氣相搏病也。夫痧脹之病自古已有。痧脹之名自古未立。攷之方書曰乾霍亂曰絞腸痧曰青筋曰白虎症曰中惡。卽皆痧脹之病也。特未專立痧脹之名而其症亦偶一患之未如近今之甚耳。故從古患此症者北方多有。謂之曰青筋症。又曰馬頭瘟。今則南方遍行。謂之曰水痧。又曰水傷寒。江浙則爲痧。閩廣則曰瘴氣。其寔一而已矣。惟古已有此病。故凡方書所以治乾霍亂絞腸痧青筋白虎中惡者。皆卽治痧脹之方。藥惟古未立此名。故凡後世焮刮刺等法。及所以治之方劑。皆自古所未專詳。後之醫者因得藉口以爲古書之所無。今人自不能治。以致患此症。

者俱束手以視其斃亦可憾矣。雖然，皇古無醫書，自軒岐創法，歷代名人各有撰述，因而一切之病著，一切之治法亦備。痧脹之病，特古未遍行，故治法遂畧耳。迨後世其病既盛，其法又何嘗不有人詳論之耶？且痧脹至今時而始有人詳論，不猶之一切病症亦爲古畧而後詳耶？是亦理有固然，無足怪已。夫所謂今時詳論痧脹者何人？王養吾是也。養吾名凱，毘陵人，精于醫，尤善痧症。曾詳列七十二種正變痧，于康熙年間刻痧症全書行世，而其板惜早湮沒，其書不甚傳。向余于痧脹一症，曾遍稽古方書，言乾霍亂等症者，參以己見著爲論。後得養吾書讀之，詳盡無遺，仍復理精詞達，雖其言兼症變症類症處，未免頭緒太煩，然掘抵搜根，發前人所未發，直覺養吾未有書痧症如隱烟霧中，養吾既有書痧症如

顯日月照臨中而人皆得共見也。視余向之所論殊爲簡而未該矣。迺卽養吾之言最精確者採輯而條貫之以著斯篇。又恐人不知余斯篇之寔本于養吾而反沒養吾也。因于此特申之亦不敢掠人之美云爾。且余前言痧脹爲風濕火三氣相搏之病者何也。風爲厥陰風木濕爲太陰濕土火爲少陽相火三氣雜揉清濁不分升降不利遂至胸腹脹急或痛或不痛而痧脹之症以成此則病因之由于內者也。其寔內三經之因其發必由外感而外感必分表裏其始感于肌表人不自知則入半表半裏故胸悶嘔吐腹痛也用焯法可愈不愈以藥治之。宜四號否象方五號觀象方或感于半表裏人自不知則入于裏故欲吐不吐欲瀉不瀉痧毒冲心則心胸大痛痧毒攻腹則盤腸吊痛用放血法自愈不愈以藥治之。宜十四號豐象

方十九號
大畜方

或中于裏人自不知則痧氣壅阻惡毒逆攻心膈立時

發暈氣血不流放之亦無紫黑毒血卽有亦不多此痧毒入深凶

兆也但當審脈辨症風寒昏濕氣血食積痰飲辨其何因治之使

甦令氣血流動然後扶起放痧如不甦急以藥灌之

宜二十一號
暖象方三十

三號巽象方四
十五號蒙象方

如此重症當立時連進湯丸方能有救遲則必死

凡痧脹服藥但由痧氣壅盛而無食積瘀血宜冷服若痧氣壅阻

食積而無血瘀稍冷服若痧毒盛而血瘀微溫服若痧入氣分而

毒壅宜刮痧若入血分而毒壅宜放痧其大較也且痧症必分涼

熱如痧犯太陽則頭疼發熱犯少陽則耳旁腫脹寒熱往來犯陽

明則但熱不寒面目如火犯太陰則腹痛身涼犯厥陰則少腹或

脇胸痛亦身涼犯少陰則腰痛亦身涼犯肺則咳嗽痰喘微熱甚

則鼻衄犯心則心痛或心脹頭額冷汗如珠而身或熱或涼犯膀胱則小便血甚則身熱犯大腸則痢膿血嘔吐身熱犯肝則沉重不能轉側喘熱內熱甚則吐血犯三焦則熱毒內攻口渴便結而身熱此痧犯六經臟腑而寒熱之外現者也又有痧氣壅盛發爲熱症或熱而不涼或口渴發熱或潮熱往來皆痧毒阻而不通搏擊肌表發而爲熱若誤爲外感傳經熱症發汗溫飲雖漫痧遲緩勢必益盛變出頭汗發狂詬語種種重症不知外感之脈浮數而緊熱症之脈洪數有力痧症之脈終有不同或有可疑須看痧筋有無辨之卽明矣而痧脹又必觀其所起與其所伏蓋痧之發也與中風痰厥昏迷相似若脈不洪滑便有所疑非真痰矣故症或口渴身熱而脈變爲沉遲症或不渴身涼而脈變爲緊數皆爲脈

症不合必取青紫筋色辨之方有確見不得誤認爲中風痰厥昏迷也。且其病源之起伏更有顯然者如先吐瀉而心腹絞痛其痧從穢氣而發爲多也。先心腹絞痛而吐瀉其痧從暑氣而發爲多也。心胸昏悶痰涎膠結遍身腫脹疼痛難忍四肢不舉舌強不言其痧從寒氣久伏鬱爲火毒而發爲多也。則其源之所在安可不詳審哉。且夫治痧脹與治他症之法異欲治痧脹必先明乎他症之所以異何言之如傷寒食未化下之太早反引寒邪入胃變而爲熱熱邪固結所食不能消化乃成結胸若痧症新食固宜以吐爲先至所食既久驟然痧脹雖所食消化未盡下之無害蓋痧脹非有寒邪入胃變成熱結之患但因痧毒在腸胃部分肌肉作腫作脹盤腸絞痛偏及臟腑故外宜用刮放以洩毒于表內可卽下。

以攻毒于裏。則腫脹自消。食積因之通利。原無結胸之可憂也。但下之必兼去食積。又宜以漸而進。中病即止。痧毒若犯咽喉。則痰喘如錦。先放其痧。急用薄荷牛蒡童便山豆根之類。以清之。兼用吹藥。宜二十號 痧症危急。大便不通。急宜放痧。用藥攻之。宜四十四號 小便不通。亦急放痧。用藥分利之。宜四十四號 未濟方。枚舉兩三端。可見痧與他症之異也。即或有痧與他症相兼而發者。亦當首重治痧。兼醫他症。以痧症急而他症緩也。惟胎前產後有痧。當並重處治。蓋胎前宜補痧症。宜消產後宜溫痧症。宜涼也。此際最當斟酌。雖然。痧症之發。其表裏寒熱起伏。以及他症同異。固不可忽視。而痧氣侵犯。必及十二經。故其發時。每隨所犯之經。而有十二經現症。必明乎此。方可隨症尋經。因經設治。而十二經脈所起及十二引

經之藥俱不可。不知試條列焉。或腰背顛頂連及風府脹痛難忍。是足太陽膀胱經痧也。其脈起于足小指外側之端。其引經藥黃栢、藁本。或兩目紅赤如桃。唇乾鼻燥。腹中絞痛。是足陽明胃經痧也。其脈起足次指外間。又一支入足中指外間。又一支入足大指端。其引經藥葛根、厚朴、白芷、少司。或脇肋腫脹痛連兩耳。是足少陽胆經痧也。其脈起足四指間。其引經藥柴胡、青皮。或腹脹板痛不能屈伸。四肢無力泄瀉不已。是足太陰脾經痧也。其脈起足大指端。其引經藥酒炒白芍。或心胸吊痛身重難移。作腫作脹。是足厥陰肝經痧也。其脈起足大指叢毛上。其引經藥柴胡、青皮、川芎。或痛連腰與外腎小腹脹硬。是足少陰腎經痧也。其脈起足小指下。其引經藥獨活、鹽酒。或咳嗽聲啞氣逆發噎。是手太陰肺經痧。

也。其脈起手大指端。其引經藥，蔥白、桔梗、白芷，少用。或半身疼痛，麻木不仁，左足不能屈伸，是手太陽、小腸經痧也。其脈起手小指端，循外側上行。其引經藥，羌活，少用。或半身脹痛，俯仰俱廢，右足不能屈伸，是手陽明、大腸經痧也。其脈起手食指端，其引經藥，白芷，少用。或病重沈沈昏迷不省，或狂言亂語，不知人事，是手少陰、心經痧也。其脈起手小指內側，出其端，其引經藥，獨活、細辛，或醒或寐。或獨語一二句，是手厥陰、心包絡經痧也。又名手心主。其脈起中指端，其引經藥，柴胡、丹皮，或胸腹熱脹，揭去衣被，乾燥無極，是手少陽、三焦經痧也。其脈起手無名指端，其引經藥，川芎，少用。夫既因十二經現症，而知何經之痧，即可因何經之脈所起之處，以施針刺，再用藥治之。寧患痧脹之不愈，或有謂針刺手足無如指。

頂爲妙者。法最簡便。參用可也。然而治痧。莫要于手法。更有不可不明者。手法奈何。不外焮刮三者而已。蓋痧在肌表。有未發出者。以燈照之。隱隱皮膚之間。且慢焮。若既發出。有細細紅點狀如蚊迹。粒如痞。麤則纍纍。密則連片。更有發過一層。復發兩三層者。焮法。看其頭額及胸前兩邊。腹上肩腰。照定小紅點。上以昏擦條。或粗燈草。微蘸香油。點灼焮之。卽時曝响。焮畢。便覺胸腹寬鬆。痛亦隨減。此火攻之妙用也。此焮法也。痧在皮膚之裏。有發不出者。則用刮法。若背脊。頸骨。上下胸前。脇肋。兩肩臂灣。用銅錢或碗口。蘸香油刮之。若在頭額。項後。兩肘臂。兩膝腕。用棉紗線或苧麻繩。蘸香油。覓見紅紫血點。起方止。大小腹軟肉內痧。用食鹽以手擦之。既刮出痛楚亦輕矣。此刮法也。古人云。東南卑濕之地。利用

乏所謂針刺出毒者。卽用砭之道也。但今放痧俱用鐵針。輕者一針卽愈。重者數刺不痊。蓋因痧毒入深。一經鐵氣。恐不能解。惟以銀針刺之。庶入肉無毒。又向懼痧患之至深乎。此刺法也。夫治痧之手法。旣明而放痧之要處。宜悉放痧者。卽刺痧也。其可放之處。有十一。在頭頂心百會穴。只須挑破。畧見微血。以洩毒氣。不用針入。二在印堂。頭痛甚者。用針鋒微微入肉。不必深入。三在兩太陽穴。太陽痛甚者。用之。針入一二分許。四在喉中兩旁。惟蝦蟆大頭瘡可用。五在舌下兩旁。惟急喉風喉驚痧可用。急令吐出惡血。不可嚥下。六在兩乳乳頭垂下盡處。是穴。此處不宜多用。不如看有青筋在乳上下者。刺之。七在兩手十指頭。其法用他人兩手。拗下。不計遍數。捏緊近脈息處。刺十指尖出血。一法用綫扎住十指根。

八在兩臂灣曲池穴。臂灣名曲池。腿灣名委中。先蘸溫水拍打其筋自出。然後迎刺。九在兩足十指頭。與刺手指同法。十在兩腿灣。看腿灣上下前後。有青筋所在。名曰痧眼。即用針迎其來處刺之。如無青筋。用熱水拍打腿灣。直刺委中。便是。惟此穴可深入寸許。或謂刺腿灣痧筋法。細看腿灣上下有筋深青色。或紫紅色者。即是痧筋刺之。方有紫黑毒血。其腿上下大筋不可刺。刺亦無血。令人心煩。腿兩邊硬筋上不可刺。刺之筋吊。臂灣筋色亦如此。辨之。此說參看可也。以上刺痧要處。皆當緊切牢記。總之。凡痧有青筋紫筋。或現于一處。或現于數處。必須用針刺之。去其毒血。然用針必當先認痧筋。醫者不識。孟浪用藥。藥不能到血肉之分。或痧症復

原缺

于血而爲畜爲瘀。凡遇食積痰火氣血。因之阻滯。結聚不散。此所以可畏也。故壯寔者有痧症。忽飲熱酒熱湯而變者。固然。卽虛弱者有痧症。忽飲熱酒熱湯而變者。亦無不然。至如人有雜症兼犯痧脹。是爲雜病變端。亦畏熱湯熱酒。人不知覺。遂遭其禍。則痧症之發。又何論人虛寔乎。夫惟寔者犯之。固當以有餘治。虛者犯之。亦卽以有餘治。蓋其有餘者。非有餘于本原。乃有餘于痧毒也。故藥雖剋削。病自當之中。病卽已于本原。依然無恙。可見治痧之藥。純無補法。痧之有寔無虛也。明甚。然則有手法以洩毒于外。有藥劑以清毒于內。痧不旣治矣乎。乃竟有放血不出。用藥不效者。寧還無法以治之。蓋痧筋隱放之。而血不流。卽昏迷不醒。勢在危急。若審其無食積血痰阻滯于中。急用陰陽水。或溫漿水。或晚蚕

沙水或白沙糖梅水。或細辛水。擇一種用之。俟其稍醒。然後扶起。再行別法療治。有因血瘀放之不出者。用桃仁紅花童便之類。有因飲後便犯痧症。多用鹽湯。或礬湯冷飲。以吐去新食。久痧脹用蕪子山查麥芽消之。有積痧阻。用大黃檳榔驅之。宜看或痰血疑結。昏迷欲死。不省人事。用菜油二兩。麝香一錢。調下立醒。如是先去食積。血痰之阻滯者。則痧筋自然復現。痧氣自然散行。而後可刮。即刮可放。即放當藥。即藥蓋緣痧症初發。未攻壞臟腑故也。

總之肌膚痧。用油鹽刮之。則毒不內攻。血肉痧。看青紫筋刺之。則毒有所洩。腸胃及脾肝腎三陰痧。須辨經絡臟腑在氣在血。則痧氣內攻者。可消可散。可驅而除其病相也。且凡病用藥得宜。斷無不效。獨痧症。竟有得宜亦不效者。何故。夫痧熱毒也。熱毒宜涼。不

宜溫。宜消。不宜補。湯劑入口。必須滯冷。冷則直入腸胃。而肌膚血
肉之間。雖有良劑。安能得至。故治痧者。莫先于刮放也。如刮放而
肌膚血肉之毒已除。後將腸胃肝脾腎之毒。用藥驅之。未有不效
者矣。然有刮放過藥。仍不效。奈何。蓋雖刮而刮有未到。雖放而放
有未盡。則肌膚血肉之毒。猶在。故藥有不效也。若刮已到。放已盡
而痧症猶在。則毒惟在腸胃及肝脾腎三陰經絡。非藥將何以治
之耶。雖然。痧之治法。卽已精詳。而痧之名稱。又當枚舉。蓋痧各有
受病之由。其原雖不離七情六氣。然不盡關七情六氣也。有因糞
穢所觸而發。有因饑飽勞逸而發。有因傳染時行瘟疫而發。痧本
無定脈。凡脈與所患之症。不相應者。卽爲痧之脈。痧亦無定症。或
感風感食感勞感痰。而以本症治之不效者。皆爲痧之症。有其症

卽應有其名。有其名。卽應有其治。故養吾于有所感而獨發爲痧者。定爲正痧。三十六症。而以三十六方治之。又以痧之發。或兼他症。或類他症。或變他症。皆有必然之勢。故復卽此而定爲變痧。三十六症。而以二十八方治之。總計痧症共七十有二。治痧方六十有四。又以一症有兼用數方者。有一方或可治數症者。有有症而不必用藥。因無方者。其方難於立名。遂取六十四卦象。定名編次。蓋以症皆已析。方皆已造。從古無七十二痧之名。亦無六十四方之治也。今得取其方症。而列陳之。曰風痧。頭疼腿痠。身熱自汗。咳嗽腹痛。此因時邪所感。不可同傷風治法。純用疏風。當用刮法。後服藥。宜第一號曰暑痧。頭眩惡心。自汗如雨。脈洪。拍拍上吐下瀉。乾象方腹痛或緊或慢。宜第二號而亦有暑脹不已者。宜第三號速象方。如竹葉石膏湯六

散。曰陰痧腹痛而手足冷者是也。宜用火焯或因穢氣所觸

而致。直第四號曰陽痧腹痛而手足煖者是也。出血即安。或因鬱

氣不通之故。直第五號曰紅痧皮膚隱紅點如痞疹相似。痧在

肌表感受雖淺熱酒熱湯亦不可犯。外用焯刮。直第五號曰斑痧

頭眩眼花惡心嘔吐身有紫斑痧在血肉急用刮放遲則漸入于

裏必生變症。直第六號曰烏痧滿身脹痛面目黧黑身有黑斑毒

在臟腑氣滯血凝以致疼痛難忍。直第七號曰吐痧湯水入口即

吐急用伏龍肝研碎水泡澄清飲即定。若湯藥亦以此水煎之。直

四號否。曰瀉痧水瀉不計遍數不可下不可澀。惟分理陰陽用五

苓散去桂白朮換蒼朮加車前木通之類。直五號曰緊痧其痛急囊

時暈倒不消半刻即死。故曰緊。若知之者急為放血焯刮。直或可

教曰慢痧緊痧只在頃刻。慢痧十日半月死甚。或一月三四月死。然亦必速治。蓋其死雖遲久。則痧毒延蔓腸胃經絡。正多凶險。如痧毒結滯于身。或左右。或上下。或表裏。其在內者。先壞臟腑。在中者。先損經絡。在表者。先潰肌肉。一不治。便成死症。夫痧之有緊有慢。人多不識。未能逐症詳明。如初犯邪氣勝。元氣衰。或十日半月一發。或一月二月一發。久之則日近一日。蓋由胃氣本虛。故爾數犯。當用藥以充其胃氣。則毒自解而痧自斷矣。宜六十日號歸赫方曰暈痧一時頭眩眼暗。昏迷跌倒。乃毒痧所攻。毒血一冲。必至敗壞臟腑。其勢甚急。不能少延。蓋因毒血與食積痰氣結聚。心腹胸膈而經絡不轉。氣血不通。雖放而血不流。雖刮而痧不顯。治法視其食積痰血氣阻。及暑熱伏熱穢氣之類。消之散之。俟胸膈一鬆。則昏迷

自醒然後驗其青紫筋以刺之宜第八號大有方曰絞腸痧心腹

絞切大痛或如板硬或如繩轉或如筋吊或如錐刺或如刀刮痛

極難忍輕者亦微微絞痛脹悶非常放血可愈若不愈必審脈症

何因辨明暑穢食積血痰氣阻治之須連進數劑俟其少安方可

漸爲調理此症多有放血不愈不肯服藥遂致痧毒攻壞腸胃而

死者良可惜哉本症右手脈伏宜放血用第十號簡象方第八號

絞痛口吐痰涎宜先刺指頭出血用十二號既濟方冷砂仁湯調

下并一號乾象方加山豆根茜草金銀花丹參山查蘇子服之安

如盤腸絞痛脈俱伏宜十三號革象方十四號豐象方或飲之稍

愈後復絞痛非常以喊不已宜十五號明夷方十六號師象方必

曰抽筋痧兩足筋抽疼甚忽一身青筋脹起如筋粗必須處處
大放毒血宜十七號曰暗痧心悶不已不食行坐如常即飲溫熱
不見凶處心腹腰背不痛但漸漸憔悴日甚不治亦大害此痧之

慢而輕者放之愈更有頭痛發熱心中脹似傷寒亦有往來寒熱似瘧悶悶不已又有咳嗽煩悶似傷風有頭面腫脹面目如火有四肢紅腫身體重滯不能轉側此瘧之慢而重者誤吃熱物遂乃沈重或昏迷不醒或痰喘氣急狂亂如遇此等必當審脈辨症果係何因在表者刮在中者放在裏者或煎或散或丸須連進數服俟其少安漸爲調理一婦忽不省顏黑左脈洪大右脈沈微此暗痧也刺腿鬻青筋出紫黑血不甦次日用十號節象方精避至五日又刮痧用十八號資象方乃大甦一老人六月發熱昏迷舌上黑胎芒刺狂罵不已六脈伏此痧之極重者刺之血不流用十號節象方十九號大畜方稍令飲之又用二號逐象方次日痧退少甦但身重如石黑胎不退用六號制象方而痊一婦懷孕失火急下樓墜仆絕聲以驚治不效安胎又不效明日胎下見已死診之脈伏細按如有一絲但四肢溫敷如熟睡狀急爲刺手足血使呻吟投深抄散遂甦曰悶痧痧毒冲心發暈悶地似中風中暑人不知覺即時而斃此痧之急者如畧甦扶

起放痧不愈。審脈用藥。急投滌痧丸。如發暈不甦。扶不起。必須辨

症的確。用藥數劑。灌甦再放痧。再調治。宜十號節象方曰落弓痧。

忽昏不省。或痰喘目上吊。如小兒落弓症。此暗痧難識。必須審脈

辨症。是何痧毒。再看身之涼熱。唇舌潤燥。何如。然後治之。宜十五

方如痧氣未盡。宜二十一號喉象方。加銀花。山查。丹參。蘇干。一人

常身熱。口渴。微渴。飲熱茶。忽昏迷。左尺沈細。動止不勻。右寸浮。托乃

腎虛而痧犯之。腎水之痧。逆行于肺。故痰氣壅盛。而發暈也。用二

十二號履象方。加貝母。牛膝。入童便。飲之。更用二十三號中孚方。

然後扶起。曰噤口痧。不語。語亦無聲。乃痧氣鬱盛。熱痰上升。阻逆

氣管。咽喉閉塞。而然。宜先放血。審肺腎脾三經脈。次之。推詳餘經。

則知病之所由來矣。一女為後母所詈。症脹昏沈。不語。左關有力。右脈沈伏。乃傷氣之痧也。陳香樑一個煎湯。

微冷。服稍。有聲。次日左關弦長。而動。蓋因怒氣傷肝。痧氣尚阻。肝

經之故。刺委中三針。血出如注。又刺頂心。臂指十餘針。乃用十八

號真象方。二十四號蕪象方。加曰撲驚痧痰。壅盛氣急發喘。喉

元胡索香附。微溫服之。乃痊。

聲如鋸此三焦命門之痧也當放臂指腿灣青筋紫黑血不愈服藥宜十三號革象方二十一號喉象方外吹二蓋此症痛如喉驚狀但喉驚喉內腫脹痧只如喉驚之痛而不腫脹形如急喉風但喉風痛而不移痧則痛無一定且痧有痧筋喉驚則無可辨也曰角弓痧心胸脹極痧毒內攻故頭項向上形如角弓反張是臟腑已壞死症也然反復試驗又得一治法胸腹脹悶自不必言身難轉側或手足拘攣不能屈伸有時蹉躓有時反張急用毛青布一塊蘸油燒抹其手足拘急處再口含火酒噴其通體少頃定覺舒展鬆動然後用藥或可回生立十號節象方十一號貞象方之類曰瘟痧寒氣鬱伏肌膚血肉間至春而發變爲癘症是名瘟痧又暑熱傷感凝滯于肌膚血肉中至秋而發亦名瘟痧但春瘟痧毒受病者少不相傳

染時或有之。秋瘟痧毒。受病者多。老幼相傳。甚至一家一方俱犯。其發也。惡寒發熱。或腹痛。或不痛。似瘧非瘧。或氣急發喘。頭面腫脹。胸膈飽悶。或變下痢。膿血。輕者牽連歲月。重者危急。一時治宜放血。消食積爲主。然後和解清理。宜第九號坎象方二十八曰滿痧。初起跌倒。牙關緊閉。不省人事。捧心拱起。鼻煽耳鳴。急爲大放毒血。宜七號晉象方九號坎曰脫陽痧。小腹急痛。腎縮面黑。氣短出冷汗。名爲脫陽。有似發痧。用蓮鬚蔥白三莖。研爛。酒四碗。煮一碗。作三服。又炒鹽熨臍。下氣海穴。令氣熱自愈。曰羊毛痧。腹脹連背。心或腰胯如芒刺痛。宜用燒酒瓶頭。泥研細。將燒酒和成團。帶滾在團上。疼卽曰羊筋痧。腹脹。渾身板痛。此與上羊毛痧症。或胸止。屢用皆驗。

前或腰背。當用小針穿皮。提出筋毛。自愈。只按疼處。看其有毫毛。

聚起者便是。宜消毒飲曰紫痧痧症不內攻則外潰即如為

腫為毒之外又有發為紫疱血者此真痧之異者也宜刺腿灣及

手指頭令出毒血。宜三十號曰瘋痧曾見一人犯大麻瘋症冒髮

俱脫面目頹敗手足踉蹌遇一老者為之放痧三次曰痧瘋也傳

一方日日服之以漸而痊瘋者天地之攜氣蓋惡毒之氣纏于血

肉散于肌表留于經絡以成瘋症最惡候也痧亦時行惡毒之氣

所鍾變為大瘋又何疑乎。老人所傳奇方金銀花六錢苦參四錢

一錢半皂角刺一錢水酒各半煎附氣痧手癢內癢痒無此此

症無藥吃亦不多見惟有急破去風刺去皮一法耳曾見一人遍

身起大疱其痒無比用熱水洗之稍解嘗欲眠于曰血痧胸中脹

悶飲食俱廢兩脇疼甚口中嘗涌出淡紅色血沫如西瓜瓢自州

香為君即丹陽零香佐以茜草到奇奴之類治之自愈曰蛔結痧痧毒攻胃故蛔死入于

腸與宿糞相結。腹中大痛。是爲蛔結。又有痧毒入胃。胃必熱。腹之極。蛔不能存。因而上涌。乘吐而出。或蛔結腹痛。不大便。或入大腸。由大便而出。與傷寒吐蛔伏陰在內者不同。法當清其痧。脹爲主。先用刮放。後服藥。直二十六號豫象方十五號曰銅痧。溼身上下。頭面眼珠盡如薑黃色。直視。四肢僵直。六脈似有似無。一時又如沸羹。大小便閉。淹淹欲死。急投滌痧丸。刺指臂。委中。俱令出黑血。直三十二號曰鐵痧。頭面手足十指如鍋煤色。不治以週身血凝。隨象方良聚也。急深刺。委中。令多出黑血。用火酒擦身。法曰痧塊痧毒留于氣分。成氣痞塊。留于血分。成血塊。痛壅于食積。成食積塊。痛蓋因刮放稍愈。痧毒未盡。不用藥消之。故治法在氣分者。用沉香砂仁之類。在血分者。用桃仁紅花之類。由食積者。用檳榔。蘆子之類。或

氣血俱有餘毒者。兼治之。更兼食積。并治之。又有痧症。不思食物。痧毒裹食。結成痧塊。兩脇下痛。其痧塊變症多端。故難治。且治痧。唯在初發。若不知。或飲溫熱毒血凝結。卽慢痧。不至殺人。亦成脇痛。瘧之日久。勢必難散。宜二十九號并象方三十三號并象方與九號坎象方加貝母白芥子七號并象方三十四號。曰身重痧症初發。勢雖凶暴。未必身重。若飲熱湯熱酒。痧毒卽阻。塞經絡。血肉之間。徧身重痛。不能轉側。或嘔吐腹脹。脈伏放痧之後。治先消痰解毒。宜三十五號寒人方如痧氣漸減再放痧用三十六號苦象方心煩嗜睡。痧毒氣冲于心胸。故心煩。或嗜睡。此等俱慢痧。若誤以心煩嗜睡治之。必日甚。倘吃溫熱。必日凶。至不起。治法。刺血爲主。可不藥而痊。曰徧身青筋。痧毒發。面色如靛。滿身青筋。脹起。粗如筋痛。自小腹起。攻上胸脇。困倦不堪。切不可誤認作虛。急刺曲池。

委中出黑血宜滌痧丸曰遍身腫脹痧者暑熱時疫惡厲之氣

攻于裏則為痰喘為瘀血昏迷不省若元氣寔內不受邪即散其

毒于肌膚血肉之表為腫為脹若誤吃熱湯酒便成大害此痧之

暗者宜從脈異處辨一女手足俱腫將及于腹六脈弦細沈遲此

二十餘針黑毒血出用十號節象方并散痧解毒消痰順氣葉十

餘帖安一女久生瘡腫如鼓手足腫左脈微數右脈散止夫

瘡毒脈必洪數今脈症不合此慢痧為患也刺腿海毒筋五針又

刺指頭十餘針用十號節象方並三十六號蓋象方連進五服乃

痊以上三十六正痧也試更即三十六變痧述之曰傷寒兼痧凡

傷寒頭痛寒熱諸症或當暑天或觸穢氣或感疫癘忽犯痧脹是

惟認脈看筋辨之必先治痧退乃治傷寒若誤食溫熱湯酒生

薑立見凶危一人傷寒發痧昏沈卧不能轉蓋痧氣冲心故昏迷

无妄方痧退治傷寒而症一太傷寒治之四日面赤身熱

心胃煩悶六脈洪大無倫此兼痧症也刺青筋一針流紫黑血餘

有細筋隱隱痧氣壅阻之故用三十四號小畜方二帖稍熱次日
筋大見刺九針服二十三號中孚方少安又早飲食復發熱而未
又刺兩足青筋用小畜方二帖稍痊偶飲溫茶立刻妄言此痧未
盡故故又發耳飲冷井水二碗更服小畜方數帖痧乃清但病久
身虛服參 曰痧症類傷寒傷寒集中僅有四症類傷寒至于痧症
類傷寒此四症尤凶暴而方書不載故醫者不識夫傷寒頭痛惡
寒發熱是太陽經症寒從肌表而入故宜發散若痧症頭痛是痧
毒上攻頭面三陽不因外感其惡寒發熱雖在肌表是時行之氣
所感由呼吸而入搏擊于肌表之中作為毒熱內熱則外寒故亦
惡寒治宜先刺顛頂放痧以洩其毒用藥惟以透竅解毒順氣為
上若誤用麻黃羌活發表太甚反助痧毒火邪勢必惡毒攻冲作
腫作脹立時凶危故痧與傷寒症雖同而治各異要知痧症宜清
涼則痧毒可內解傷寒宜辛散則寒氣可外舒固不可以治痧症

者治傷寒。更不可以治傷寒者。治痧症也。急刺腿灣指臂及頂心。

宜十號節象方三十八號益噎方 三十九號頭象方四號否象方。曰傷風咳嗽痧痧從時氣所感。

因而咳嗽肺經受傷不可同傷風治。蓋傷風以疏風為主。痧則當

以刮放為先用。藥以清喉順氣涼肺散痧為上。宜四十號益象方

曰咳嗽嘔噦痧痧毒之氣上凌肺經。故氣逆發噎而咳嗽痰涎上

膈或嘔噦惡心或面目浮腫或心胸煩悶。此熱毒入于氣分。痧筋

往往不現。當刮之間有入血分者。必待痧筋方刺之。急宜清理其

痧毒。若從傷風治誤矣。宜十號節象方加重便微冷服及二十號

曰霍亂痧痛而不吐瀉者。名乾霍亂。毒入血分也。宜放痧新食宜

吐久食宜消。食積下結宜攻痛而吐瀉者。毒入氣分也。宜刮痧有

痧筋則放宜調其陰陽之氣。須知腸胃食積宜驅不宜止。止則益

痛若吐瀉而後痛者。此因瀉糞穢氣所觸。宜用藿香正氣散。須防食積血滯。或消或攻。或活血。山藥茯苓不可亂施。燥濕之品。溫煖之藥。俱在所禁。乾霍亂盤腸大痛。先放痧。後卽服藥。宜十號節象功。癩瀉下丸。若上腹大痛。吐瀉數十次。痛更甚。宿食雖吐。瀉盡。乃毒入血分。血瘀作痛也。宜二十七號損象方。二二三號中孚方。曰痧痢。夏傷于暑。秋必瘧痢。痢疾初發。必先泄瀉。瀉則腸胃空虛。虛則易觸穢氣。卽成痧痛。或天氣炎熱。時行疫癘。感動腸胃。因積而發。亦致痧痛。夫痢不兼痧。積去便輕。若一兼犯。勢必絞痛。異常止治。其痢亦不效。或變痢如豬肝色。或如屋漏水。或惟紅血水。或變噤口。不食嘔吐。凶危。或休息欠痢。惟先治痧。兼治積。則痧消而積易去。積去而痧可清矣。急宜刮放。宜九號坎象方。砂仁湯。下或三十號井象方。或更發熱。脹悶沈重。痢下紫血。六脈

洪大不勻。此痧氣不清。毒尚盛也。急刮放。宜三十五號家人方入
黃草五靈脂烏藥香。附當歸以導其瘀。曰痧類瘧疾。痧有寒熱往來似瘧。或昏迷沈
重。或狂言亂語。或痰喘不休。或心胸煩悶。叫喊不止。或嘔噦吐痰。
睡卧不安。或大小便結。舌黑生芒。如此重極。脈必有變。不與瘧同。
宜細辨之。一人日晡潮熱昏沈。脹悶大便不通。肺厚舌焦。左脈浮
下有青筋。刺出黑血。用散痧消毒活血之藥。諸症退。又曰瘧疾兼
用劑下丸三錢。大便通。惟寒熱未除。用小柴胡湯而愈。曰瘧疾兼
痧。瘧疾連朝間夕。多因暑熱相侵。心中迷悶。或感疫氣。兼犯乎痧。
瘧因痧變。勢所必至。不可慢以爲瘧。而忽視之。瘧猶可延。痧必傷
人。自非先治。痧決難全愈。兼痧之禍。可勝道哉。宜十號節象方又
或有本患瘧疾。日晡寒熱。七八日後。忽壯熱不已。昏沈不醒。左脈
不勻。右脈虛澀。此非瘧脈。乃爲瘧之變症。非痧而何。刺臂出毒血。

不愈服藥

宜五號觀象方加養香葷子厚朴樛櫚并四十一號

用十八號黃象方次日再刺指頭即觀象方加大黃枳寔俟熱退再

方運動其氣曰頭痛痧痧毒中臟腑之氣閉塞不通上攻三陽

顛頂故痛入腦髓發暈沉重名真頭痛且發夕死夕發且死急刺

破顛頂出毒血以洩氣藥則惟破毒清臟爲主痧毒中臟腑之血

壅瘀不流上冲三陽頭面肌肉故肌肉腫脹目閉耳塞心胸煩悶

急刺破顛頂及其餘青筋藥宜清血分破壅阻爲要氣分宜四十

血分宜先冷服紅花青子半曰心痛痧痧毒冲心屬之于氣則時

疼時止痰涎壅盛昏迷煩悶此其候也治宜刺手臂服順氣藥爲

主痧毒攻心屬之于血則大痛不已昏沈不醒此其候也治宜刺

腿灣服活血藥爲主遲則難救宜十一號曰腰痛痧痧毒入腎則

腰痛不能俯仰若誤吃熱湯酒必煩躁昏迷手足搐搦舌短耳聾

垂斃而已。故凡痧中于腎脈，或左尺虛微，右尺洪寔，或兼歇止者，

急刺腿灣，出黑血。宜二十二號。既濟方連膠曰：大腹痛痧，痧毒入大小腸，則小

腹大痛不止，形如板推絞切不已，治之須分左右。二股屈伸為驗。

如小腹大痛，每每左卧，左足不能屈伸，小腸經痧也。或痧筋不現，

先服藥。宜四十四號。未俟筋現，刺左腿灣二三針，出紫黑血，再服

藥。宜二十三號。中大腹大痛，每每右卧，右足不能屈伸，大腸經

痧也。急刺右腿灣青筋三四針，出毒血服藥。宜二十二號。如夏月

不頭疼發熱，但覺小腹痛，或心腹俱痛，脹痞不能屈伸，此皆暑火

流注臟腑故。先小腹痛，徧及心腹，急用藥。宜六和湯。清解之，或四

和散之，或荏香正氣散，加山梔或荏散，加木瓜、紫蘇、香茹

用炒益和陰陽水探吐痰涎亦可。曰：頭眩偏痛，痧氣慢者，上升

於三陽頭面，常覺頭眩內熱，或半邊頭痛，心煩不安，宜刮痧不愈。

用清熱下氣之劑治之曰流火流痰痧毒傳遍不待時日朝發

於足而足腫痛夕發於手而手腫痛朝發于肌膚而紅腫夕發于

裏而痰喘不休此等痧乍隱乍現乍來乍去按脈而痧脈又不現

最難識認如痧毒所流及之處熱者似流火而非流火腫者似流

痰而非流痰或痒痛不已或但痛之極又痧之變者也欲知此痧

須看病勢凶暴不比流火流痰輕且緩者驗于痧筋發現刻之無

疑然後憑脈所犯風暑濕食痰血氣阻分治之斯能有效一女人

足小腫紅腫大痛夜即腹痛而足痛止次日左足小腫紅腫大痛

腹痛又止未去不常痛無一定但六脈如常難據為痧委中有毒

筋三條刺之血甚多反加痰喘放痧未盡也用十六號銀象方知

土貝母三錢二味少愈次日又刺左委中痧筋一條顯頂一針用
前方加牛膝三錢痧退又用二十三號中孚方腫痛俱在
晚間右腿紅腫痛之已喉旁腫痛初不覺其為痧只見症犯此
者甚多細看兩臂痧筋刺出毒血用十六號師象曰痧時氣急痧
方傳山查腹子加大黃一錢飲之食消便下而安曰痧時氣急痧

先痰喘氣急。痧脹因之。先治痰。後治痰氣。無令痧爲本病之助。先
痧脹後痰喘氣急。因之。但治痧而痰氣自愈。若痧有寒熱不清。痰
喘氣急者。兼和解。痧有但熱無寒喘急者。兼消食。順氣有二便不
利。喘急者。有痢膿血。或赤白喘急者。但急攻裏。有瘀血凝滯。小便
利。大便黑。喘急者。當防痧毒攻壞臟腑。不痛者可治。痛不已者。難
治。服藥不應者。必死。一人發熱頭疼。脹悶昏迷。痰喘氣急。六脈無
根。因放痧。用十三號革象方二十號。損柔方
稍冷服。又用四十五號。蒙象方。服平再用一號。乾象方。加青艾連
翹。山查。煖子。熟大黃。病痊。一婦喘急。眼悶。刺乳下二針。出紫黑
血。用二十八號。恒象方二帖。愈。一人喘急。發熱。身重。腹中絞。曰
痛。刮放不效。用四號。否象方十四號。豐象方。加大黃服之。愈。曰
半身不遂。痧心主血。痧毒中血。分故易攻心。此痧症。所以發昏也。
若慢痧。冲激遲緩。留滯經絡。或左或右。半身疼痛。或麻痺不仁。遂
成半身不遂。總因痧毒爲害也。見有青筋急。宜刺破。乃用藥散毒。

活○血○消○瘀○始○得○愈○宜四十六號換象方曰○臑○脹○兼○痧○先○臑○脹○忽○痧○氣○乘○之○臑

脹○益○甚○在○臑○不○可○先○醫○在○痧○自○宜○早○治○一○人○腹○脹○如○鼓○臍○突○筋○青

心○口○將○平○知○爲○血○鼓○症○其○指○頭○黑○色○兼○痧○無○疑○刺○二○十○餘○針○腿○臂

出○血○畧○鬆○遂○服○藥○宜十九號大畜方臍下青筋漸退後用鼓脹藥

不○復○曰○痧○變○臑○脹○痧○者○毒○也○慢○痧○之○毒○遷○延○時○日○留○滯○肌○膚○腸○胃

中○若○不○早○治○卽○成○真○鼓○一人氣急作脹胸腹飽悶臍下青筋突起

針○筋○淺○腹○懸○用○十號象方曰○老○病○兼○痧○先○患○痰○火○咳○嗽○忽○喘○急○痰○涎○喉○聲○如

錘○或○頭○汗○如○油○喘○而○不○休○心○胸○煩○悶○莫○可○名○狀○雖○是○痰○火○危○困○然

有○兼○感○時○氣○或○觸○穢○驟○然○勢○盛○者○必○宜○察○脈○按○症○先○清○痧○次○治○痰

漸○補○氣○血○斯○可○耳○一婦素痰火或痰壅喘急六脈雀啄此兼痧症

用○四○十○五○號○象○方○身有刺刺出惡血用散痧消毒豁痰順氣藥并曰○弱○症○兼○痧○先○患○癆○弱○或○吐○血○或○乾○噦○兩

後○惟○大○補○氣○血○愈

額唇口鮮紅或骨蒸熱一感時氣或觸穢必兼痧症或重或輕

喉如哽或心腹脹悶煩躁發熱較之平時不足益如沈重此宜先

治痧令痧毒退盡方治本症宜十號節象方請茶下曰內傷兼痧人有內傷

詎無外感外感不獨風寒即暑熱時疫傳染穢惡觸犯一受之本

如外感然內傷本病也外感標病也內傷兼痧宜先治痧次治本

病一老婦奪產爭鬪發熱咳嗽止痰胸中脹悶知是內傷兼痧列

其內傷下黑糞瘀血諸症除後用曰痧變癆癩痧症有忌飲熱湯

者有反喜熱湯者惟喜飲熱痧蓋難辨慢痧所以漸成癆癩也原

夫痧毒之始入于氣分令人喘嗽吐痰發熱聲啞蓋火毒傷肺肺

為嬌臟若不知治變為百日緊癆輕亦數年難愈卒至危亡入于

血分重者凶變在節輕者歲月換延若乃毒癩胃口必須去毒而

痧變發黃者邪熱攻乎脾胃而土之本色見于外也脾胃雖屬土
又有濕熱之分蓋脾陰屬己土主燥其納甲于離宮可見胃
陽腑屬戊土主濕觀其納甲于坎宮可知一濕一燥濕熱熏蒸如
膏麩之狀故發黃也其方治載銅痧條曰犯痧小便不通痧毒結
膀胱令便溺不利小腹脹痛難忍宜四十四號水濟方并瀉痧共調下丸曰眠目怪
症痧痧者火毒也若犯痧症適與心主之火相合痧毒逆冲須防
攻心之患今少陰心君不受邪逆犯厥陰肝母故兩目紅腫如桃
甚則眼珠突出然他症患目惟在于目若因痧爲患必心中煩悶
而目疾因之不早治則痧毒已參陽位其火炎極輕則壞目重則
殞命治宜先刺巔頂百會穴以洩毒氣用清火活血順氣藥加牛
膝石斛引火歸原良法也若心中煩悶頭眩兩目紅腫大痛眼珠

挂出左目尤甚。至晚卽昏沉眩暈。

宜五十號復象方加
重便服眼珠始收

若兩目通

紅甚至起障生翳。此痧之餘毒在肝。

宜五十一號臨象方加燈
心白芙蓉藥水煎服

曰

痧後牙疳。此痧毒入于胃也。

宜五十二號
秦象方神效

曰痧後胸膈痛痧毒雖

退尚留瘀血在胸膈間。是積血作痛也。

宜失
散

曰婦女倒經痧經行

之際。適遇痧發。經阻逆行。或鼻血。或吐紅。肚腹腫脹。臥床不能轉

側。肚腹不痛。亦爲暗痧。若痧毒攻壞臟腑者。不治。急放痧。

宜五十
三號大

壯曰胎前產後痧。孕婦犯痧。最易傷胎。產後犯痧。須防惡阻。較之

平人更甚。當急救。若暗痧。陡發。則胎前痧脈。潤于有孕。產後痧脈

雜于惡阻。又無心腹痛。可據。須當究其症候。察其聲色。看打痧筋

急宜刺破肌膚。痧壅。培刮兼施。至若痧毒橫行。肆攻臟腑。莫可挽

回矣。曰胎前痧痛。毒氣攻冲。絞動殞命。傷胎豈爲細故。至如安胎

用白朮當歸茯苓之類。痧所大忌。以痧脹所宜。惟是破氣破血之味。又胎孕所忌。斟酌其間。活血解毒。用金銀花益母丹參紅花寄生。消瘀而不傷胎元。順氣用香附陳皮厚朴砂仁烏藥。行氣而不傷胎氣。散痧用防風荆芥細辛。透竅而不動胎孕。消食積用山楂。藟子穀芽麥芽。寬中而不伐胎性。採擇于中。最爲穩當。然此等藥勢盛難于速效。權用一二味。尅藥。恐于胎氣有妨。不可不慎。宜五號方曰產後痧痛。產後用藥。必須溫煖。痧症用藥。惟重清涼。既屬相反。而處治之方。毋執產後一于溫煖。亦毋執痧症一于清涼也。今統製一方。爲臨症之法。散痧用獨活細辛。破血用桃仁紅花。順氣用香附烏藥陳皮。解毒用金銀花紫花地丁。消食用山楂藟子神曲麥芽。如產後常用薑炭肉桂。以溫血。是痧症所忌。痧症必用。

荆芥防風以散痧。連翹薄荷以清熱。又產後所不宜也。况痧症脹

極。尤貴大黃枳寔枳榔以通積滯。而產後更不可用。蓋痧而用溫

脹者。益脹。產而用涼。瘵者。益瘵。惟取微溫之氣。則兩不相妨。更加

童便以清熱消瘵。豈非良法乎。一產婦三日腹脹絞痛惡露不通。夫產後病當在小腹。今大腹絞痛。

非產後本病。脈洪數有力。兼痧無疑。先飲童便一杯。少進刺出毒。

血用二十二號履象方痧盡惡露行。一婦產八日惡露太多。忽

寒熱。胃中脹悶。脈洪大無倫。今惡露去盡。此脈不宜放紅紫痧筋。

二條。便不洪大。又刺臂指十餘針。用五十五號需象方。因痧病痊。

一婦產六日。身痛寒熱如瘧。昏悶脈歇。止指甲黑。乃取小兒

痧症也。刺指七針。舌底一針。稍緩用五十六號比象方。愈。小兒

夾驚痧。小兒一時痰涎壅盛。氣急不語。眼目上翻。手足發搐。肚腹
脹滿。誤作驚治不效。看有痧筋。速爲出血。額現痧粒。急爲火焯。先
令痧退。然後治驚。宜四十五號蒙象方。曰痘前痧。痘本先天固時而發。必由
外感如痧。亦時疫之氣所感。作脹作痛。而胎元之毒。因之俱發。凡

痘未見點之前痧脹必心胸煩悶痰涎壅塞甚至昏迷不省此其候也小兒滑疾之脈類于痧症厥厥動搖之脈雖若疑似難明然有痧筋可辨單用藥清之痧自退逗自起矣若逗點既形觸穢痘隱者痘科自悉不載一見痘初發犯痧腿灣有痧筋二條余曰兩形也口熱如爐紅紫之色熱之盛也但是痰喘氣急腿灣痧筋必痘因痧脹而發治宜先透痧或兼發痘用五十七號兌象方一帖稍冷服痘乃發曰痘後痧脹痘後中氣多虛有感必傷一遇暑熱十二朝而痊及觸惡卽成痧脹往往忽然生變人多誤爲惡痘所致竟不知痧之爲害有如此也宜二十六號豫象方合二十八號恒象方曰痘前痘後痧論凡痘前後見有痧筋正可辨其爲痧用藥治之切忌針刺非不可針也痘變不常若一差池爲害不淺故切忌不可用針也曰瘡症兼痧瘡痛者心火血熱所致故火盛而膿腫作痛然膿瘡雖痛必漸漸而

來非若兼痧之驟故凡瘡瘍兼痧其腫痛必多可畏處况瘡脈多

洪數兼痧脈固不同筋色又可辨驗不容混也急刺指頭及頭頂

宜五十八號困象方曰痧變腫毒痧毒不盡留滯肌肉腠理間即

成腫毒急先放痧用解毒散痧藥以除其根然後審毒所發照

二經絡臟腑分陰陽寒熱處治輕則消重則拓虛則補寔則瀉若

紅腫甚者屬陽宜五十九號萃象方白色平腫不起發者屬陰宜六十號

又有半陰半陽者宜五十八號困象方凡毒穿破後護之宜貼太若腫毒

膿止有毒水流或膿少血多須拔去毒水膿血宜飛龍奪命丹

乙膏中毒水有毒口難收者收之宜搽紅玉散一人發背疽黑

痧變惡毒用冷圍藥而成此疽也令去圍藥放痧訖俟痧氣絕

曰痧後調理痧退之後痧氣已絕氣血虛弱者急補之宜六十二

六十三款
小過方

若屢患痧症者待痧氣既清調理之

宜六十四
方以上三

十六變痧也。列正變之名目。攷正變之症狀。備正變之方治。痧焉
瘦哉。痧焉瘦哉。以是知養吾之書。寔能發前人所未發。足爲軒岐
之功臣也。余能不祖其說而述之哉。

脈法

王養吾曰。痧症脈多微緩細澀。有時弦數。縱浮大亦虛

而無力。疾徐不倫。或六脈俱伏。伏亦無妨。

鰲按又有或左或右
一手伏者有一部兩

部伏

者。痧氣一退。脈卽漸還。假如頭疼肚熱。脈應洪寔。而反微遲

者。痧也。如厥冷不語。脈應沈細。而反滑數者。痧也。大抵痧脈與

他脈有異。脈症不符。便舍症而從脈。凡診痧無過此兩言盡矣。

且痧之毒氣。沖激于經絡血肉之分。或脈多洪數。或沈緊。或大

而無倫。或洪寔有力。若脈症稍有不合。便審痧筋。有無。有則俟

刮放後再診脈之來復如何。以斷病之寒熱虛寔。從治無則。憑脈斷其寒熱虛寔。用藥如傷寒雜病。自有本脈。若一兼痧。其脈必變。病必凶暴。然兼痧之脈。自可細攷而知也。傷食之痧。脈多緊。寒傷血之痧。脈多扎滑。傷暑之痧。脈多洪滑。而致疾傷風之痧。脈多沈微。觸穢之痧。脈多變異。不常傷氣之痧。脈多沈伏。或形如雀啄。傷寒濕之痧。脈多沈細耳。或有痧脈一似陰症者。尤不可不辨。蓋痧毒之氣。阻抑於經絡血肉間。故多沈伏。卽有別病兼痧者亦然。如傷寒脈沈遲無力。是真中三陰經之脈也。治用熱藥。固無疑矣。惟傷寒兼痧。痧脈與陰症相似。莫辨一服溫補熱藥。痧毒變幻。悔無及矣。凡臨傷寒症。見有沈微或伏之脈。一似真中三陰經。其外視症候。稍有不合者。便取痧筋。驗之。有

則爲痧無則爲陰症施治或涼或熱萬不失一且刮放服藥之
後血肉經絡之分通而無阻卽按其脈便不復如前之沈微或
伏矣然後按脈辨症治其傷寒未有不效者至如雜病兼痧有
沈微或伏之脈亦以此法驗之誠爲至當不易是故凡痧察脈
可決死生脈微細者生寔大急數者重脈洪大無倫者凶一部
無脈者輕一手無脈者重兩手無脈者死六脈無根放血服藥
不應者不治諸怪脈現放血服藥不痛者死也總之治病欲辨
明虛寔寒熱之法斟酌輕重緩急之宜惟脈是恃若諸脈伏不
可推測醫者將何以斷驗乎故必求他症以辨之方有治法耳
當諸痛脈伏者推驗筋之青紫識其爲痧卽諸病不痛而脈伏
者亦必推驗筋之青紫識其爲痧蓋因痧毒氣壅血瘀于經絡

開故爾脈伏若刺放血流氣亦泄毒無壅阻而脈乃復其常至
于重痧傷在三陰針刺有所不到血流有所不盡惟從食積血
痰所阻之毒以治之脈且隨藥而復乃知痧症脈伏反爲平常
事耳。

痧脹原由症治 陶節菴曰濕霍亂死者少乾霍亂死者多以
上不得吐下不得利上下不通腹痛甚而頭疼發熱此爲乾霍
亂也犯此死者多因其所傷之邪不得出壅塞正氣陰陽隔絕
也宜先用吐法再服藥 繆仲淳曰絞腸痧屬胃氣虛粹中天
地邪惡穢污之氣鬱于胸腹間上不吐下不瀉以致腸胃絞痛
異常胸腹驟脹遍體紫黑頭頂心必有紅髮急尋出拔去之急
以三稜銳針刺委中擠出熱血可立蘇次用新汲涼水入鹽兩

許恣飲得吐瀉卽止。委中穴在兩膝下灣橫紋中間兩筋之中。刺入一分。王養吾曰。痛而絞動者。痧毒阻于食積之氣分也。痛而不移者。痧毒壅于血分而有瘀也。發于頭而上部者。痧之毒氣上壅也。纏于手足下部者。痧之毒血下注也。上吐下瀉者。痧氣上下冲激也。煩悶氣脹者。痧氣壅塞于心膈也。惡寒發熱者。痧氣遏抑于肌表也。胸膈偏痛者。痧之毒氣流滯于經絡也。結滯腸胃者。食積瘀血爲腫爲脹也。吐血便血者。痧血泛溢而潰敗也。咳嗽喘急者。痧毒壅于氣分而生痰逆也。立時悶死者。痧之毒血攻心也。手足軟而不能運者。痧入于血分。毒注下部也。腰脇俱痛者。毒阻于血分而有瘀也。半身偏痛者。毒阻于半身而血瘀也。身重不能轉側者。痧之毒血壅瘀不能轉運也。變

成癰毒潰爛者毒血凝滯敗壞肌表也。

以上宜分表裏

又曰痧症之發

未有起于寒者。然亦有時爲寒非真寒也。蓋因世人知痧之熱

而服大寒之劑以致此。夫犯痧症必其無食積血阻于中者。方

可服寒飲而得效。若一有食積血阻而飲大寒則食不消血不

散積不行。痧毒反冰伏凝阻。未有得寧者。嘗見高岩窮谷中行

旅感受暑氣渴飲澗水而卽死者。是名寒痧。蓋緣痧毒攻心。服

寒飲太過痧毒反凝結于心胸多致不救也。若爲放痧毒血一

行便無阻滯得有其命。故方書有服陰陽水者不獨取井水以

此故耳。是以久服涼飲之後痧有未痊者。又當以微溫之藥施

之。畧用三香溫和之劑。誠爲權宜之術。若用桂附乾薑吳萸參

芪之屬則又誤矣。又曰治痧當辨身涼身熱身涼而內熱者宜

攻其裡。表熱者。宜透其肌。用藥隨時活變。故不立主方。以上言宜分涼

熱又曰。痧症危極。昏迷不醒。卽扶不起。呼不應。雖欲刮放。而不得。卽當用藥救之。以期必效。然痧症用藥。必須帶冷。雖未能卽

周于肌膚血肉間。其昏迷不省。乃痧之熱毒冲于心胸。心卽不能自主而昏迷。若藥帶冷入口。先從胸膈間順流而下。則熱毒

之氣在心膈間者。隨藥而消。故昏者復明。迷者復省。卽有不省

者。乃食痰血積所阻。若能攻而下之。未有不省者矣。以上用藥法又

曰。痧脹有一等凶症。心胸高起如饅頭者。不治。雖曾以升象方

治活一婦人。胸前高突如拳大。堅如鐵石者。亦偶也。背心一點

痛者。凶。角弓反張者。死。腰腎一片痛者。死。心胸左右有一點痛

者。不治。脇肋痛。四肢腫痛者。難治。鼻如烟煤者。死。舌卷卵縮者

死。環口。黧黑者死。頭汗如珠。喘而不休者死。昏迷不省。放痧不
山。服藥不應者死。痧塊大痛。服藥不應者死。此皆寔熱爲害。固
然耳。以上雜治症又曰。什景傷寒論中。不及瘟疫。何況後世所云痧
脹乎。夫傷寒原爲傳經熱症。蓋因六氣陰陽同異不齊。風熱火
統乎陽。寒燥濕統乎陰。大抵六氣由表及裡。故云外感。乃肝脾
胃腎與膀胱傳變皆週。而病自解矣。至于痧有由內而出者。有
自外而入者。有無端而起者。或發于臟。何臟受之。或發于腑。何
腑受之。或犯兼症。或犯變症。但止于一經。而不傳。原不拘拘經
之手足也。故內受邪。則爲絞刺。爲脹急。爲悶亂。外顯于症。則爲
癍疹。爲斑黃。爲吐瀉。誠中形外自然之理耳。又曰。河間云。諸熱
皆感暴積。胃味躁擾。狂越。胃罵驚駭。附腫疼痠。氣逆冲上。噤慄

如喪神守。噫嘔瘡瘍。喉痺耳鳴。及聲嘔湧。澀食不下。目昧不明。暴注卒瀉。潤瘵暴病。暴死皆屬于火。已上諸症。今時痧脹。十居八九。至如暴病暴死。河間但指中風痰厥。由今觀之。暴病暴死者。於痧脹最爲酷肖。想古時不立痧脹之名。未經說破。故耳則知痧之屬火明甚。然火有君相之別。手少陰經君火也。右腎命門爲手心主。乃手厥陰包絡之臟。經言心之原出于太陵。凡刺太陵次者。所以瀉手心主相火之原耳。又有手少陽三焦合爲表裡。神脈同出。現于右尺一經。代君行令。故相火之爲病居多。皆因火性最烈。其氣上炎。以致三焦阻塞。六脈全乖。昏冒口不能言。痰喘聲如曳鋸。然相火作病。猶有可回。若犯少陰心君。確具死症。則殞在須臾。莫謂醫工藝術之疎耳。又曰。事心師古何。

况于醫丹溪治雜病以氣血痰三者爲先蓋三者成疾人身最
多能詳審于三法之間便可指下奏功至于痧脹又何能離此
三者乎痧有氣塞者爲喘息爲脹滿爲嘔噎爲頭目脹其病陣
緊脈必洪數屬陽有氣閉者爲昏冒不語爲口噤目翻不省人
事上下厥冷雖痛口不能言脈必沈伏屬陰痧有血熱者爲煩
躁爲紫斑爲頭目赤爲衄爲口吐紅沫脈必寔大屬陽有血阻
者腰脇痛攻心痛手足青紫脈必繁而牢乍大乍小屬陰痧有
痰壅者喉中澀澀有聲吐咯不出嘔吐酸水清涎脈必弦滑屬
陽有痰厥者卒倒僵仆手足厥冷肌膚芒刺遍身青筋坐臥不
能轉側脈必微細似有似無屬陰凡氣血痰之爲害于痧有如
此者不得謂陽痧則生陰痧則死也卽使陰痧又不比傷寒直

中陰經症可用薑桂參芪也。痧脹有脈伏三日亦得救活者。四肢厥冷。刺血殺劑後。即時溫緩者。目閉牙噤。刺血投劑後。即時
睡眼認人。而言其所苦者。醫工能識其竅。則危者立安。失其機
雖得生全者亦死矣。可不深爲究心以救人生命乎。以上參集
諸家名論
又曰。凡犯痧症。仰臥。將大公鷄一隻。放肚上。鷄卽伏好。疼止卽
跳下而愈。此法試過亦驗。又法。凡痧症屬肝經者。多肝附于背
第七骨節間。若犯痧。先循其七骨節縫中。將大指甲重掐入。候
內骨節响。方止。以鹽塗之。如不响。必將鹽重擦。必使透入。方能
止疼。以上取
諸法又曰。治霍亂腹痛之甚。以新汲水百沸湯各半合
欽之。甚效。蓋上焦主納。中焦腐化。下焦主出。三焦通利。陰陽調
和。升降周流。則臟腑暢達。一失其道。二氣滄亂。濁陰不降。清陽

不升故發爲嘔吐霍亂之病。飲此湯卽定者。分理陰陽。使得其平也。此卽無病。凡夏月早起。或卧間用一盞。亦能清暑。調中消食。以上論陰陽。湯之利益。凡痧症飲湯藥。云稍冷者。九分冷一分溫也。云微冷者。八分冷二分溫也。云微溫者。冷者四分之三。溫者四分之一也。云冷服者。十分生冷也。云溫者。四五分溫也。以上湯藥規則。又曰。痛時則不欲飲食。痛後亦有不喜食者。有食而作脹。復痛者。或疑傷寒而飲壞者。其間飲食最要斟酌。宜忌不可不審也。夫發痧忌熱湯。熱酒。粥。湯米食諸物。若飲熱湯酒。輕必變重。重必至危。吃米物。恐結成痧塊。日久變生他疾。難于救治。如有食滯不殞命者。亦幸耳。故痧病畧熟。胸中知餓。設或驟進飲食。卽後痧脹立能變重。必忍耐一二日。乃以萬全。愈後

再不復發。以無暈腥故也。今後凡遇痧病得愈者。當知所戒。即無屢發之患。如傷寒不飲食。至一候兩三候不妨者。以邪氣填胃口也。痧脹十日五日不飲食。亦不妨者。以痧氣滿塞胸膈也。惟俟痧氣盡。然後與之生薑。痧症大忌。切不可泡湯服。或作藥引。犯之必死。今將宜忌食物開列。醫家病家各遵毋忽。食忌生薑。聚國眼川椒胡椒辣醬烟茶酒滾湯。素粉醋麵麵筋猪肉羊肉鷄魚慈蒜芥菜瓜茄菱橘米食糖食桃梅李杏一切甜物。食宜黑沙糖芋艿食鹽荸薺百合藕西瓜燈心湯山查湯菜腹子湯。蘆根湯陳香椽湯陰陽水。然卽所宜。亦必待痛止後。知餓方可吃清水飯湯。如米粥米糊亦宜少用。且須冷吃。不然則復發。

以上食
物忌宜

治痧脹忌宜諸藥

忌藥切勿犯

人參	白朮	山藥	黃芪	熟地	白芍
甘草	茯苓	楮苓	半夏	白芷	蒼朮
升麻	肉桂	附子	吳黃	乾薑	生薑
五味	木瓜	竹瀝	杜仲	枳子	菖蒲
茯苓	棗仁	菴蓉	巴戟	栝子仁	

凡治吐症用半夏藿香獨痧症作吐半夏性燥須防益助火邪切不可用藿香惟取其正氣以治穢濁傷腸胃中有食積瘀血阻滯痧毒味用此以止吐反有閉

宜藥須酌用

陳皮	枳殼	荊芥	柴胡	葛根	薄荷
青皮	枳實	防風	前胡	厚朴	紫蘇
細辛	獨活	桔梗	香附	鬱金	不香
砂仁	烏藥	連翹	秦艽	梔子	貝母
天冬	杏仁	桑皮	赤芍	香櫞	丹參
山查	紅花	蘇木	桃仁	三稜	義木
麥芽	神曲	麥冬	牛膝	牛蒡	澤蘭
蘆子	荷草	銀花	香薷	地丁	甘菊
青黛	乳香	阿膠	鳳凰	犀角	天竺黃
燕沙	沒藥	角刺	牛黃	膽汁	明礬

石膏 龜甲 薑 桑 童便 梅花 枳殼

小青草 卽血見愁 紅 薤子 紫刺皮 火麻

仁 劉寄如 益母草 地骨皮 寧山甲

白芥子 元胡索 五靈脂

疹症寒熱不由外感其毒從鼻吸而入搏擊肌

表 羌活 麻黃 俱在所禁如荆芥 細辛 善能透發

益惡毒之氣由竅而入故用以治疹亦由竅而

洩若防風乃巨使之品取爲透發之佐不比麻

黃羌活專主發表反

有升發火毒之慮也

羌活 藿香 檀香 當歸 黃連 木參

川芎 沉香 丁香 生地 黃芩 花柳

木通 大黃

凡忌宜相半之藥如必不得已而欲用之輕者

止可用半分至三分重者亦只可四五分至錢

治痧脹方六十四

一號乾象方

防風 細辛 陳皮 枳殼 旋覆花 荆芥

穗 各等分水煎稍冷服

頭面腫加薄荷甘菊 口渴加天花粉

手足腫加威靈仙牛膝金銀花

腹脹加大腹皮厚朴

吐不止加重便

內熱加連喬知母

血滯加茜草丹皮

痰多加貝母瓜蒌霜

小腹脹痛加青皮

寒熱加柴胡獨活

赤白痢加檳榔

食積腹痛加山查蘇子

喉腫加射干山豆根

心痛加義木延胡索

觸積加藿香薄荷

瘀血面黑加紅花蘇木

放痧不出加蘇木桃仁倍細辛荆芥 以上加

戒法大同小異餘可類推後不具載

此方尚治感冒風成痧之劑

歌口乾象風痧腹痛頻嗽煩身熱汗頭疼荆防

細壳陟庭獨時氣相干一服寧

香薷 薄荷 連喬各一錢 金銀花 紫厚

一二號妬象方

朴木通各七分水煎冷服

此方尚治傷暑成痧之劑

歌口 暑痧妬象止頭眩自汗如傾吐瀉兼荷

澤荷通車薑朴香薷瓜豆是更須此首歌內有

加味

三號逐象方

香薷 紫蘇 厚朴 山查 枳壳 茂子
陳皮 青皮 等分水煎冷服 汗多者本方

去紫蘇 此方尚治暑熱成痧之劑

四號否象方

歌曰 暑脹難當 逐象名香茹 查枳壳 陳青更
加 蘇子 蘇隨 魚竹葉 石膏 湯亦靈
藿香 香附 各四分 薄荷 葉七分 枳壳
連香 山查 元胡 各一錢 水煎 冷服
此方 治 陰痧之 劑 腹瀉 而手足 冷者 是也
歌曰 否象 陰痧 手足 冰腹 疼積 氣觸 而成 延
胡壳 木查 香附 砂藿 連香 薄荷 荷增 此首歌 內
有 加味

五號觀象方

防風 荆芥 各一錢 川芎 三分 連香 陳
皮 青皮 各八分 水煎 稍冷服
食不消 加山查 藜子 有積 加枳 榔
心煩 熱去川芎 加山 梔子 痰多 加貝 母白 芥子
氣壅 加烏藥 香附子 血壅 加桃 仁紅 花
鬱悶 不舒 加細 辛 食積 加三 稜莪 朮
暑熱 加香 茹厚 朴 咳嗽 加桑 皮馬 兜鈴
大便 秘加 大黃 枳疔 小便 秘加 木通 澤瀉

喉痛 加薄荷 射干 牛蒡子 去川芎
比方 治 陽痧 之劑 腹痛 而手足 煖者 是也

歌曰 觀象 陽痧 手足 溫多 因氣 鬱痛 相奪 劑

防陳 細枳 香鬱 煖熱 梔香 藜子 青

地骨皮 薄荷 山梔 丹皮 天花粉 元

六號剝象方

參 細辛 各等分 水煎 稍冷服

此方尚退疹熱之劑
歌曰 斑痧剝象是良方
嘔吐頭眩發紫斑地

骨硬元花粉細丹
皮薄荷便身涼

七號晉象方

元胡索 蘇木 五靈脂 天仙子各一兩
枳實 厚朴 檳榔

廣黃各七錢 烏藥五錢 枳實 厚朴 沉香各三錢
阿魏二錢 香附四錢 葶子一兩

水泛丸每十五丸 砂仁湯下
此方尚治食積壅阻 痧毒癆瘵 難忍頭面黑色

手足俱腫 胸腹脹悶等症
歌曰 烏痧惡症痛難當
晉象九方果是強蘇

木元胡 陳附朴 蓬稜 阿魏 蕪榔 靈脂 烏藥 天
仙子 枳實 薑黃 沉香 水泛為丸 如葉豆砂仁

湯送月圓雙月圓
雙者每服十五丸也

八號大有方

沉香 檳榔各五錢 荀子 枳實 厚朴各
七錢 山稜 蓬木 天仙子 廣皮各六錢

菴仁 烏藥各四錢 木香三錢 薑黃五錢
水泛丸每三十九丸 砂仁湯稍冷服

此方尚治痧氣急胸腹脹痛 迷悶昏沉
歌曰 暈痧大有效 昏迷厚朴天仙菴廣皮白

菴薑黃板枳橘蓬陵烏藥

木香齊 丸服法同前

九號坎象方

五靈脂 廣皮各一兩 青皮 天仙子 三
稜 蓬木 黃黃各七錢 枳殼六錢 蔻仁

烏藥各五錢 木香 沉香各二錢 阿魏一
錢 製法嚴法同八號

此方備治痧症氣壅血阻昏迷不省偏身沉重
不能轉側

歌曰 坎象同前氣阻壅青陳烏藥寔稜蓬仙
靈白菴兼阿魏更有蘆黃沉木功

十號節象方

鬱金二錢 細辛一兩 降香三錢 荆芥五
錢 每末三匙清茶冷服

此方通治痧症之仙劑
歌曰 絞腸痧痛病非常節象仙方效最良鬱

細降香荆芥穗三匙細末和茶漿
以上七方俱屬此條

十一號屯象方

三稜 蓬木 白芥子 延胡索 荷子各一
錢 枳殼 青皮 烏藥各八分 紅花七分

香附子四分 水煎稍冷服
此方專治痧氣內攻之劑

歌曰 屯象祛痧氣內攻蓬稜白芥枳延紅荷
青烏藥司香附任是雄腸一劑通

十號既濟方

棒香五錢 牛膝二兩 大紅鳳仙花 紅桃
花 紅花各七錢 白茯苓一兩 爲末 糊

調童便冲服

此方尚治痲毒中腎之劑

歌曰 既濟方除中腎痲棒香桃蕪鳳仙花紅
花共末同調和童便冲末效可誇

十號革象方

鬱金二錢 沉香 木香各一錢 烏藥三錢 棒
香二錢 細辛五錢 每末三錢 冷水服

此方尚治痲氣寒凝之劑

歌曰 痲氣寒凝革象方鬱沉香烏棒木辛將共
末爲末三錢服定

使陰寒見太陽

十號豐象方

三稜 蓬朮 荷子 青皮 烏藥 檳榔
枳實各一錢 水煎服

此方尚治痲症因于食積者

歌曰 豐象多絲食積因青烏荷實與蓬稜查

振神曲能消食水

二煎成取八分

十號明夷方

細辛 大黃 枳實 厚朴 桃仁 青皮
火麻仁 等分水泛丸每服一錢重者二錢再

重者三錢 心湯稍冷下
此方尚治痧症大便乾結氣血不通煩悶壅盛

昏沉者

歌曰 明夷乾結便難通 頤門昏沉氣血塗
塞將軍辛厚朴二仁木滯消融

此首歌肉無青皮有瓜蒌

六十號師象方

三稜 蓬朮 厚朴 山查 枳實 藟子
連香 青皮 陳皮 細辛 等分水煎冷服

此方皆治痧症氣食壅盛者
歌曰 師象連前有七方 絞腸痧肉療多級清

陳查朴蓬稜藟藟
子連香與細香

七十號良象方

五靈脂 蕪子 山查 神曲 青皮各一兩
蓬朮 厚朴各八錢 三稜 蘇榔各七錢

薤仁 烏藥 姜黃各五錢 沉香 木香各
三錢 阿魏二錢 丁香一錢 水泛丸每

錢柴剝皮湯下
此方專治痧症食積成塊痛而不已推上移下

日久叫喊筋脈抽掣之症
歌曰 良象抽筋手足疼 青筋脹起筋粗痕三

香查藟神靈藟烏藥蓬稜朴寔青阿魏姜黃枳
治塊丸吞十粒紫剝皮 三香沉木下也

八十號賣象方

木香 檀香 沉香 等分爲末每服五分砂
仁湯微冷下

十號大畜方

此方端治過飲冷水痧不愈者
歌曰 賣象者由飲冷過三香末服暗痧多皆
因暑熱寒水受凝
結于中 毒阻何

白茯苓 二兩 澤蘭 姜黃 茵子 山查
茵草 土貝母 各一兩 元胡索 五靈脂 各
兩五錢 檳榔 七錢 金銀花 八錢 烏藥
青皮 各六錢 桃仁 一兩二錢 每末一錢 酒下

此方專治食積痰血 痧毒凝滯成塊 日久不愈
之症

歌曰 大畜能消積食 癆毒凝成塊 久難除澤蘭
白茯苓 黃蘗 茵草 青板 烏藥 俱查 肉銀花 土貝
母 桃仁 胡索 五靈脂

十二號損象方

沒藥 三錢 細辛 四錢 白茯苓 元胡索
桃仁 各一兩 樟香 三錢 每末一錢 酒下

此方端治血鬱不散之症 暗痧難識 爲疔末
多故立賣損大畜三方
歌曰 損象血鬱不能散 細辛沒藥桃仁 枳元

胡白茯苓 酒水 調已上三方 痧屬暗
又歌曰 角弓痧脹 屢難醫 痰喘昏迷 不醒時
履中 半分 辨治 放痧 去血 復何疑

二十號 睽象方

枳寔 葶子各一兩 罌食二錢 烏藥 連
喬各八分 共為末茶清稍冷服

此方端治痧氣鬱悶之劑

歌曰 睽象方原開餅問 葶烏噴寔罌食 罌食
參查肉 銀花佐共末茶清冷服之 此首歌內
有加味

二十號 履象方

刺蒺藜 獨活 桃仁 蒲黃 紅花 元胡
紫 烏藥各一錢 枳壳七分 香附三分
水煎微溫服之

此方專治痧症因于血鬱者

歌曰 履象專攻血鬱症 桃仁獨活壳蒲黃元
胡白蒺 烏香附牛便貝母強

二十號 中孚方

紅花 青皮 蒲葦各一錢 香附四分 枳
壳六分 貝母二分 水煎溫服

此方端治血痰之症

歌曰 中孚專治血痰疴 只附青紅枳壳蒲已
上落弓宜選用昏
沉發暈一時蘇

二十號 漸象方

陳皮 青皮 山查 厚朴 烏藥 等分水
煎冷服

痰多加貝母白芥子 頭汗加枳寔大黃
痧筋不現加細辛荆芥 口渴加薄荷花粉

血瘀加香附桃仁延胡索
此方專治痧症因氣阻者

歌曰痰漸噤口語無聲氣阻咽喉閉塞成漸

象青陳查紫朴延胡香附可回生

又歌曰痰涎壅盛撲驚痧莫認喉驚藥用差震

據解方來救治外吹內服妙堪誇

二十號震象方

天竺黃 礪砂各二錢 珠砂一分 元明粉
八厘 冰片五厘 共為細末吹喉中

此方專治痧症咽喉腫痛

歌曰震象咽喉腫痛頻啖冰片竺元明細

研吹入喉中好拽錫之聲一旦寧 痧脹之害

甚于喉風

二十號豫象方

劉寄奴 荆芥 紅花 茜草 丹皮 赤芍
各一錢 烏藥五錢 香附三分 蒺藜八分

水煎湯服

此方專治血滯之症

歌曰豫象方醫血滯疑膏奴茜草蒺藜荆紅

花赤芍 丹皮共香附還同烏藥并

二十號解象方

牛蒡子 蘇梗 薄荷 甘菊 貝母 金銀
花 連翹 枳殼 各一錢 桔梗五分 烏藥

四分 水煎微溫加童便服

此方專治痧症咽喉腫痛

二十號恒象方

歌曰 解象明候陽命焦牛勞根亮精五商苟
花薔梗金銀貝烏葵須添鹽即清
大腹皮黑豆湯泡洗 煎皮 細辛 藜子
煎胡 麥芽各一錢 山查二兩先煎湯代水

二十九號升象方

此方治治痧氣食積中飽悶腹中絞痛
歌曰 速移為病有多端恒象方中大腹煎細
麥散陳先六味山查浸汁更煎
蘇木二兩 刺藜 元胡索 桃仁 紅花
各一兩 獨活三錢 梓香 姜黃 赤芍
各六錢 五靈脂七錢 大黃五錢 香附
烏藥 三稜 蓬木 陳皮 青皮 角刺各
四錢 每末 錢酒下

三十號井象方

此方治治痧每血瘀成塊堅硬突起不移青
歌曰 滿痧跌到最奇緊閉牙關事不知丹
象血赤堅 塊延蘇濁活棗脂桃紅赤芍二
黃附烏藥青皮角刺宜更有三稜蓬木等共研
細末酒相資 二黃姜黃大黃也
蓬木 紅花 澤蘭 桃仁 烏藥 桔梗
川芎 牛膝 水煎溫服

此方治治紫泡痧之劑
歌曰 紫泡成痧怪異多若求井象免危疴疴澤

三十號大過方

藜芎桔桃烏藥牛膝紅花木用養香附 蘇子 樞榔 山查 陳皮 薄荷 連翹各等分 木香磨二分 水煎加砂仁末五分冲和稍冷服之

此方專治痧症食積氣阻之劑

歌曰 大過方醫痾結傷皆因氣食痛難當板陳查藤砂香附薄荷連翹與木香

三十號隨象方

赤芍 陳皮 桃仁 枳實 茵陳 黃芩 瓜蒌仁 金銀花 山梔 連翹各一錢 大黃三錢 水煎微溫服

此方端治痾症毒結于大腸之劑

歌曰 到症過體似姜黃隨象除痧結大腸青赤芍 枳實 茵陳 枳實 茵陳 枳實 茵陳

三十號吳象方

檀香三錢 沉香各五錢 砂仁 藜子各八錢 白湯下 五靈脂六錢 水泛丸每服五分

此方端治過服冷水痞滿者

歌曰 痾塊成形痞悶多單求吳東莫能過三香

三十號小畜方

山查 赤芍 青皮 五靈脂各一錢 水煎

此方端治過服冷水痞滿者

三十家人方
五號

微溫服

此方治瘧症因于血食者

謂曰小畜同前因血食桃紅貝附青查赤靈
脂選共大黃煎氣滯血凝全沒得

歸尾枳壳赤芍各一錢山查 釐子各
二錢厚朴八分水煎微冷服

此方尚能消食順氣和血

謂曰身重竹葉解毒先家人氣順食消兼朴

查薑充同歸尾赤

三十益象方
六號

蘇木 桃仁 紅花各一錢 青皮八分 烏
藥四分 獨活六分 劉寄奴一錢 白蒺藜
一錢二分 水煎微溫服

此方尚治血結不散之劑

歌曰益象同前因血結桃仁蘇木并紅花寄

奴白蒺藜青烏獨轉側如常用嗟

釐子二錢 枳壳 山查 連喬 赤芍 金

三十无妄方
七號

銀花各一錢 防風 烏藥 元胡索 炒枳

壳 桔梗各七分 水煎稍冷服

歌曰无妄兼寒食血成防延桔壳釐查枳

烏赤芍銀花共沉

三十號 噎嗝方

桃仁 蘇木 烏藥 香附 白茯苓末 獨活 澤蘭 山查 水煎微冷服

此方端治痧症邪傷寒 歌曰 噎嗝頭疼發熱 攻類傷寒症最為因桃

蘇烏附 澤蘭 荜獨 活山查 可奏功

三十號 頤象方

柴胡 葳子 山查 連翹 紅花 枳壳 荆芥 花粉 熟大黃 二錢 水煎冷服

此方端治先因傷食 發熱口乾等症 歌曰 頤象方因傷食 先口乾身熱症同前柴

高查煎 紅劑粉 枳 寔將軍 酒製煎

四十號 蠱象方

射干 馬兜鈴 桑皮 桔梗 薄荷 天花粉 元參 貝母 枳壳 金銀花 甘菊

此方端治癰似傷風 咳嗽 嗽甚加重便冲服

歌曰 蠱象傷風咳嗽 癰兜鈴 桑桔貝銀花 射

四十號 離象方

青皮 厚朴 枳壳 柴胡 貝母 知母 薑香 檳榔 陳皮 葛根 水煎溫服

此方端治痧症 痰氣痞盛 歌曰 離象之痧 瘧疾 兼熱寒 迷悶 痰涎 延葛

柴知亮青陳朴核

菴祛除夏月天

貝母二錢 姜黃一錢

青皮 厚朴 各七分 荆芥 六分

水煎冲砂仁末五分微冷服

此方尚治痰氣壅塞之症

歌曰 旅象鼻頸痛有方 橘紅朴細貝姜黃青

荆烏藥同煎後冲服砂仁更足強

牛漆二錢 獨活 枳壳 桃仁 連翹 澤

三號 鼎象方 煎微冷服 山查 姜黃 蒲黃 各一錢 水

煎微冷服

此方專散瘀毒引火下行

歌曰 鼎象同煎除毒為因 引火下行時荷

牛獨以查桃澤赤芍姜蒲次第施

牛膝二錢 澤蘭 金銀花 丹皮 連翹 細辛

元胡索 澤蘭 白芨 蒲黃 木通 各一錢

水煎冲童便微溫服

此方尚治小腸經痧

歌曰 小腸痧痛伸屈難方推末 荷澤蒲黃通

延牛膝 銀花 細白 及連荷 并用丹

天竺黃 胆星 各三錢 甘草 湯泛丸如梧子大

麝香 牛膝 各三錢 甘草 湯泛丸如梧子大

四十號 蒙象方

四十號 旅象方

四十號 鼎象方

四十號 未濟方

每服三九白湯下
此方治痰涎喘急之症

歌曰 蒙象痰涎喘急聲味唯天竺迥南星麝
香研末牛黃共甘草湯丸散盡根

四十號 漢象方

旋覆花 丹參 芫黃 橘紅 元胡索 山穿
山甲 赤芍 澤蘭 山查 皂角刺

此方治半身不遂癱瘓
歌曰 半身不遂毒來攻漢象丹延澤橘紅角

四十號 訟象方

澤蘭 延胡索 赤芍 桃仁 陳皮 紅花
烏藥 獨活 丹參 水煎溫服

此方治內傷兼症
歌曰 訟象兼屬症內傷丹烏延赤澤爲蘭陳

桃獨活 銀花 取不 畏煩 勞咳 嗽痰

四十號 同人方

歸身 山查 紅花 枳壳 赤芍 川斷
青皮 茜草 丹參 連翹 水煎微溫服

此方養血和中之劑
歌曰 同人吐血便紅增養血和中此劑平查

完赤紅 荷荷草 歸
青續與共丹參

四十號 坤象方

白茯苓 刺芥炭 赤芍 薄荷葉 青皮
陳皮 等分水煎服

此方專治癆症氣血阻滯
歌曰 坤象同前血阻明肝心肺部惡非輕莫

葵水芍 薄荷葉 刺芥炭 又用陳

十五號 復象方

連翹 山梔 茜草 枳壳 丹皮 赤芍
牛膝 金石斛 金銀花 草火明 水煎沖

重便服

此方專治眼目怪症
歌曰 眼目奇症復象方 梔茜草枳壳丹皮

五十號 臨象方

羚羊角 丹牛壳 赤芍 蓮加 蓮使 良
草 赤芍 生地 黃連 木通 荆芥 殺精

羌活 望月沙 水煎服
此方專治癆毒在肝目生障翳

歌曰 臨象同前用二生連通菊賊芍羌制粉
羊望月 殺精草 一着將軍眼倍明

五十號 泰象方

人中白 三錢 花粉 珊瑚 青黛 各一錢
生甘草 兒茶 薄荷葉 細茶葉 黃連 各

五分 冰片 一分 牛黃 珠子 各五厘 研
至無聲 先用鐵茶洗去腐肉 吹之

此方專治痧後牙疳
歌曰 痧後牙疳 泰象神兒 茶花粉黛 官礪牛

黃珠子 人中白 薄荷黃連 一片水

五十號 大壯方

桃仁 紅花 山查 獨活 細辛 香附
青皮 水煎冲重便服

此方端能行經散痧
歌曰 刺經大壯 婦人科腹 脹雙紅 可奈何 獨

細青紅香附米查 桃多用便相和 雙紅謂經
水紅及鼻紅也

五十號 夬象方

桑寄生 紅花 香附 荆芥 蕨子 益母
草 續辛 神曲 水煎冲砂仁末服

此方尚治胎前痧症
歌曰 夬象胎前 痧所侵 寄生益母 附紅荆 續

辛菊子 兼神曲 冲
服砂仁 葉更靈

五十號 需象方

獨活 細辛 丹參 柴胡 牛膝 烏藥
山查 陳皮 金銀花 益母草 金百斛

水煎溫服
此方專治產後痧症

歌曰 絞痛非常 產後虛消 痧需象 獨陳皮 藥
丹益母 辛牛膝 石斛 查烏 卽便除

五十六號比象方

香附 姜黃 桃仁 蘇木 山查 丹參
牛膝 艾葉 柴胡 獨活 金銀花 益母
草 水煎 溫服

此方治產後痧症

歌曰 此象同於蘇木 姜查 桃益 母艾 柴香 銀
花 牛膝 丹參 獨活 有誰 邪亦 不妨 姜黃 黃也

五十七號兌象方

荆芥 防風 連翹 紅花 青皮 荷子
桔梗 枳殼 山查 牛蒡子

此方治小兒痘前痧症
歌曰 痘前痧脹 用心專兌 象荆防 桔梗看青

亮牛蒡 查藤子 紅
喬共齋 自安症

五十八號困象方

羌活 紅花 荆芥 木通 當歸 牛膝
青皮 連翹 蟬退 牛蒡子

此方治痧後熱毒流連不已 致成瘡瘍
歌曰 困象瘡瘍 熱毒攻羌 防歸 膝芥 喬通 青

皮蟬退 紅花 合腫
痛兼痧 一旦空

五十九號萃象方

甘菊 荆芥 紅花 甘草 木通 連翹
土貝母 金銀花 牛蒡子 紫花地丁 等

此方治消痧後餘毒發為瘡瘍 紅腫綠痧毒留
分 胡桃肉 一枚 水煎 溫服

滯肌肉骨腰間者

歌曰 葦象同前毒發紅金銀土貝菊喬通荆

防甘草地丁紫引

六十號咸象方

人參 當歸 黃芪 甘草 牛膝 紅花
貝母 角刺 白芷 山查 金銀花 加胡

桃肉一個 水煎空心溫服

此方專治痧後餘毒流連氣血不能即潰者

歌曰 咸象變成惡毒症參芪歸貝草銀紅山

查角刺 胡棧芷 莫使流連氣血攻

六十號寒象方

乳香 沒藥 貝母 雄黃 花粉 黃連各
一錢 大黃半炒半晒 赤芍各二錢 牛蒡

子錢二分 甘草七分 穿山甲土炒七分

每細末五分蜜湯下

此方專治痧後熱毒發癩發疔疼痛不已

歌曰 寒象起疔不可當川連乳沒貝雄黃將

單赤芍穿山甲細

末還調是蜜湯

六十號謙象方

人參 茯苓 當歸 白木 白芍 黃芪
陳皮 川芎 熟地 甘草 空心服

此方痧後調理之劑

歌曰 痧退調和謙象稱芍歸熟地芍參苓陳

皮生甘草煎
服空心氣血平

六十號小過方

金銀花 土貝母 牛蒡子 白扁豆 山
藥 山楂 當歸 各一錢 人參 四分 甘草
三分 胡桃肉 一枚 連肉六枚 水煎空心

溫服

此方形退後調理之劑

歌曰 小過同前調理清銀花土貝草歸參蒡

查極豆欬山藥蓮

尚胡梅引用明

六十號歸妹方

炒薑 桔梗 各一兩 炮川烏 甘草 各五錢
乾薑 三錢 飯丸 勿服 一錢 白湯 溫服

新犯者一二服即愈久犯者十服全愈蓋

用甘草以助胃用薑烏以充胃用桔梗以解毒

用食鹽以斷毒五味之妙用誠為千古之良方

若病人素本虛寒必加倍多服方能有效

此方專治屢患痧症必待全愈然後服之以絕

其根若痧氣未除切不可服恐甘者能作脹熱

者反能助邪也

歌曰 歸妹常沾要絕根待他全愈斷痧盡攀遠烏草

乾薑共米飯為丸湯送溫

治痧脹應用古方十七

玉樞丹

山茱萸去皮焙二兩此味不真則藥不效
倍子洗淨焙三兩 千金子霜一兩 紅芽大
戟去蘆焙乾一兩半 麝香另研和入三錢
右除千金麝香另研三味爲末和入二味研勻
糯米濃湯和木相內杵千下分爲四十錠宜端
午七夕重九日於淨室焚香修台勿令女人孝
子雞犬見其效如神 孕婦忌服每用一錠生
薑汁磨薄荷湯服升華水送亦可通利兩次無
妨用濕粥滿之

此方所治諸病開列于後

一治瘧疽發背未破時用并華水磨塗患處并
磨服之良久覺痒卽消

一治陰陽二毒傷寒心悶狂言亂語胸膈壅滯
邪毒未發并瘧疾山嵐瘴氣瀉痢并痧脹

腹寒冷水入薄荷一葉同磨下
一治急中風癱邪喎叫亂走鬼胎鬼氣無畏酒

送下
一治自縊死落水死心頭溫者及驚死鬼迷未

隔宿者並冷水磨灌下
一治蛇犬蜈蚣傷冷水磨塗傷處并服尤妙

治新久諸瘡癰發桃柳枝煎

治牙痛含藥少許吞下

治湯火傷東流水磨塗患處

治跌打損傷沙松節無灰酒煎數沸下

治年深日近頭疼太陽痛酒磨塗后上貼太陽穴

治諸般癩疾口疳斜唇眼掣及夜睡多涎言

節風腫手足疼痛行立俱覺艱辛風氣疼痛

節風腫手足疼痛行立俱覺艱辛風氣疼痛

節風腫手足疼痛行立俱覺艱辛風氣疼痛

節風腫手足疼痛行立俱覺艱辛風氣疼痛

節風腫手足疼痛行立俱覺艱辛風氣疼痛

節風腫手足疼痛行立俱覺艱辛風氣疼痛

節風腫手足疼痛行立俱覺艱辛風氣疼痛

節風腫手足疼痛行立俱覺艱辛風氣疼痛

節風腫手足疼痛行立俱覺艱辛風氣疼痛

節風腫手足疼痛行立俱覺艱辛風氣疼痛

節風腫手足疼痛行立俱覺艱辛風氣疼痛

節風腫手足疼痛行立俱覺艱辛風氣疼痛

節風腫手足疼痛行立俱覺艱辛風氣疼痛

節風腫手足疼痛行立俱覺艱辛風氣疼痛

普濟消毒飲

酒黃連 元參 各二錢 牛蒡子 三錢 連翹 生甘草

藍根 各二錢 馬勃 一錢 炒薑 五分 升麻 大葉

柴胡 各七分 桔梗 三分 薄荷 五分 大葉

三錢 川芎 防風 各八分 共為細末 半用

湯調時時服之 半用壺九 含化服盡 良愈

雄黃 元參 瓦上焙 各五錢 炒貝母 乳香 土炒

川連 羌羊角 犀角 炒珠 四分 硃砂 五

藥各三錢 青黛 二錢 珍珠 四分 硃砂 五

錢 牛黃 冰片 各二錢 共研細末 再將

仙方腦麝丸

金銀花 紫花地丁 甘菊各二兩 甘草五錢
長流水五碗 砂鍋內慢火煎至半取汁渣
絞乾桑柴火熬膏入煉蜜蓋許再熬粘筋和丸
每丸重三分幼者一丸大人二丸蜜湯服
此方端治痲症發疔發狂譫身赤紫痧後惡毒
瘡瘍皆能消化
黃藥子 白藥子各三錢 花粉二兩 黃連
一兩研末篩止用頭末 木香三錢 沉香二
錢 麝香五分 龍腦三分 豬胆汁九每九
重一分
此方專治山嵐瘴癘解茶痰酒渴除伏暑退心
熱止咳開目毒及赤白痢一切火症功效如
神并將兼治之症開列于後
一治瘴氣痰渴老年遠火臨臥含三九
一三伏時行路含一丸口不渴且消暑氣如感
大熱用五九或七九同好茶一撮鹽梅一個
打碎以井華水調服
一治心熱頭疼用三五九含化
一治赤痢用七九茅根汁同搗服白痢用七九
同茶葉並梅搗服
一治痧脹面赤身熱痰喘氣急不省人事服之
即愈

藜金丸

附沙五靈脂一兩 元胡索八錢 木香 各
金異者兩研 雄黃各三錢 生薑 砂仁 各
五錢 神曲 檳榔 九每三十九或四十九用自已
口中津唾嚥下

此方治隨常症逆腹痛一服見效兼治九種
心疾

潤下丸

酒製大黃四兩 黑丑頭末炒二兩 牙皂煎
汁和丸 鳳仙子大每服一錢或錢半至二錢燈
心湯服

此方治大腸燥寒二便秘結痧毒壅盛者
此丸不但潤
腸兼利小便

煉石丹

千年石即陳石灰水飛一兩 松根石即真硫
珀三錢 水骨石即滑石水飛二錢 水泛為
丸 表熱燥煩者青黛為衣 眩暈心悶者珠
砂為衣 每服二錢重頭盧栗湯下

如聖散

楚砂枳壳三兩 微炒小荷三錢 堊磚燒上
燒紅三分 每末二錢溫酒調下如不能止再
服一錢

此方可補疹脹所不逮
兼治當心痛遍身骨節牽疼或嘔吐惡心不時
發作者并疝氣勢根等症

失笑散

五靈脂去砂土炒 炒蒲黃 等分每末一二錢酒調服

此方治男婦積發症服此不再發

兼治血迷心竅不省人事婦人產後心腹絞痛及腹瘀血

白虎湯

熱石膏五錢 知母三錢 甘草一錢 粳米一撮 加竹葉名竹葉石膏湯

此方治傷暑發痧神效 兼治濕病身熱白

汗口乾脈洪大及霍亂一切暑病

解曰病在陽明肌肉則巨陽之表邪已解矣故

外不惡寒又無頭痛身疼之症但自汗出而發

熱也經曰熱淫所勝佐以苦甘以知母甘草解

熱益熱則傷氣用糯米甘草之甘以益氣且治

不得眠而煩燥也煩者肺也躁者腎也以石膏

為君佐知母之苦以清腎之源因石膏體堅而

重墜知母沉寒而走下故用米草之甘以緩之

使不速達于下焦也名之曰白虎者以白虎為

西方金神而司秋令暑火之氣至秋而衰且知

母之苦寒又能保大陰肺金之氣故名之曰白

虎以為三陽經一解表藥耳雖是三陽經解表

切記有汗當施無汗當戒也透無汗者必須察

益元散

葛升麻以解其表邪不可見其身熱設用白朮以遇其熱而使之內陷也

滑石六兩 甘草一兩 每末三錢暑月涼水調服 加硃砂名辰砂六一散

此方尚清暑熱利小便止渴除煩降火利痰之劑也

余治小兒身熱咳嗽微帶驚風者用益心湯調服之屢屢有效

大羌活湯

防風 防己 羌活 獨活 蒼朮 白朮 黃芩 黃連 細辛 炙草各一兩 川芎

知母 生地各二兩 俱咀片每用一兩半水煎得清藥一大盞熱飲之不解再服

此解利兩感神方也若痧症與此相似亦以此方加減兩選用之

經曰兩感者死不治一曰太陽與少陰俱病頭痛發熱惡寒口乾煩滿而渴太陽者肺也自背

俞而人人所共知少陰者臟也自鼻息而人人所不知也鼻氣通于天故寒邪無形之氣從鼻

而入腎爲水水流濕故腎受之又曰天之邪氣感則害人五臟以是知內外兩感臟腑俱病欲

表之則有裏欲下之則有表表裏既不能一治故死矣然所稟有虛寔所感有淺深慮而感深

治腋香櫟丸

者必死寃而感淺者猶或可治治之而不能救者有之矣末有不治而得生者也

陳香櫟四兩 去白廣皮 醋三棧 醋蓬木
澤瀉 茯苓各二錢 醋香附三兩 炒葶子
六兩 青皮去穢 淨在肉各一兩 神曲糊
丸每服五六十丸米飲下

加味活命散

此方或水或氣或食俱治

土炒穿山甲 金銀花 大黃各二錢 去白
陳皮 歸尾各錢半 花柳 薄荷 赤芍
生地 白芷 乳香 甘草節 防風 貝母
各一錢 沒藥 角刺各五分 水煎空心服
忌醋并諸毒物

此方尚治癰後一切留滯熱毒發為腫毒發背疔疔其加法開列于後

毒在背加皂角刺一錢半

毒在面加白芷一倍

毒在胸加瓜蒌仁二錢

毒在頭項手足加金銀花五錢

此方之妙即非惡後尋常發毒亦可用

祛癧辟癩丹

厚朴 蒼朮 羌活 防風 陳皮 枳殼
香附 牛蒡子 各一錢 檳榔 白芷 各八分

舊香 川芎各五分 細辛四分 甘草三分

加蔥白 加減法開列于後 口渴加花柳葛根

無汗加蘇葉薄荷 溫瘧加柴胡半夏

身重汗出加防己石膏 頭疼加川芎

大便秘結加大黃 遍身疙瘡腫痛加藍葉姜蚕大黃

肌肉發紅黑紫加元參青黛連翹

先中暑又中暑加白虎湯香薷

咳嗽涕唾頭目昏眩加旋覆花荆芥

風溫身體灼熱加黃芩黃連黑山梔

此本方尚治感受時行不正之氣瘟疫疔瘡男

婦老幼皆同者

加減聖效散

厚朴 藿香 藜蘆 防風 製蒼朮 桑木 吳

胡 獨活 澤瀉 枳殼 石膏 蒲 細辛 各

五錢 枳殼 陳皮 炒砂仁 炒薏子 元

胡索各八錢 草薢仁 去壳十枚 共為粗末

每服五錢不計時煎溫服取遍身微汗即愈時

氣不和空心飲之可辟邪疫 原名聖散子節

東坡守杭時設劑療疫全活萬人之方也如有

痧症相類者用此以治之亦無不效

此方尚治傷寒時行疫癘陰陽兩感表裏未詳

或外熱內寒或外寒內熱肢節拘急頭項脹滿

硫礬丸

疼痛發熱惡寒嘔逆喘咳鼻塞聲重及飲食生
 冷傷在胃腕肘膈飽渴腸腹脹滿心下痞結手
 足逆冷腸鳴洩瀉水穀
 不消小水不利等症

明礬 硫黃 各四兩 先將一味用豆腐漿在
 砂礬內煮一日夜取去豆腐渣仍入礬浸火蒸

至乾燥礬盛二藥埋地深三尺二日夜取出礬
 硫磺化紫金色再下一層有泥渣不用然後再將

茯苓 山藥 各三兩 同蒸 晒露一宿 酒炒
 當歸 酒炒 白茯苓 各四兩 烏藥 各炒 熟

半夏 三兩 杏仁 炒 肉桂 半兩 去白陳皮
 炒小茴香 各一兩 棗肉 九兩 清晨盪湯下一錢

半臨臥白湯下一錢
 此方為斷除痧根之神劑 有人病痧十年或

十日半月或一季半年發則痛不可忍叫喊驚
 人隨即革死或用探吐或用醋炭熏鼻并用華

陀危病方畧得解醒後用此丸全愈遂得除根
 此病已入骨髓百無一救今幸而得此且余屢

用而多效真神方也
 附華陀危病方 吳萸 木瓜 食鹽各五錢

同炒焦 用砂礬盛水三杯煮百沸隨病人冷
 熱任意服之即愈

又痧脹隨宜便用救急小方十九

陰陽水涼水滾水各半或井水河水各半

細辛爲末砂仁湯冷調服 此治氣阻受寒痧

晚薑沙爲末白湯冷服

羊糞一把滾水泡蓋一時取上面清湯冷極服之

白沙糖攪梅水服黑沙糖亦可

童便連飲數碗

泥漿水 路上受暑痧用仰天皮水攪澄清飲之

萊豆湯稍溫服做萊豆粉泔水亦可

麻油一盞灌下牙關緊挾口灌之

蘆根湯微溫服

菜油二兩麝香一錢昏迷不省欲死者灌下立甦

蘿蔔茶作湯飲

伏龍肝泡水飲

生豆腐漿服碗許

絲瓜葉搗汁飲之亦可治霍亂

生黃豆細嚼不豆腥氣可用辨試是否痧症

芋乃連皮毛生嚼是痧便不麻口可用辨試

燒鹽湯待冷不拘多少灌下探吐以下二方乃吐新食阻隔痧毒之法必多飲方吐

明礬研末陰陽水調服二錢亦可探吐多則用至三錢

以上六十四方古方十七小方十九皆錄養吾原本